

WARBURG INSTITUTE
CKN 36

Dol
1896

Dec 1896

Emmeline



WARBURG



18 0141771 6

69 | 2595
C K N
36.
BERNARDI ORICELLARII
DE
MAGISTRATIBVS
ROMANORVM VETERVM
COMMENTARIVS

EX LIBRO MANVSCRIPTO
FLORENTINO

EDIDIT
IOANN. ERNEST. IMMAN. WALCHIVS
PROF. PVBL. SOCIETAT. LAT. IENENSIS DIRECTOR



LIPSIAE
EX OFFICINA LANGENHEMIANA
C D C C L I I.

VIRO
CELEBERRIMO
ANTONIO FRANC
GORIO

BASILIC. BAPTISTER. FLORENTIN. PRAEPOSITO

ET HISTORIARVM PROFESSORI LYCEI FLORENTINI

LONGE MERITISSIMO

FAVTORI SVMMOPERE COLENDO

S. P. D


IO. ERN. IMMAN. WALCHIVS

VIR
CELEBERRIME



VEM aliquot ante annis mibi, apud TE com-
moranti abitumque ad paternos lares para-
turo, tradidisti, ORICELLARIVM
TVVM ad TE ex Germania nostra re-
dire iubeo TEque ipsum, noua nunc indutum veste, pro
TVA, qua soles, humanitate benigne excepturum esse,
tuto confido. Non poenitebit me laboris et, quam pro
virium modo in eo expoliendo insumsi, operae, si modo
TIBI TVISque litteratis ciuibus, in quorum maio-
ribus ORICELLARIVS maxime enituit, hos
meos, qualescunque sint, conatus haud penitus dispi-
ciisse cognouero. Certe, si quid sit, quod in hoc a me
suscepto negotio desiderari posse, videatur; in ipso
tamen auctore, siue delectari quis legendo velit; siue
erudiri, scio nihil iure desiderari TIBIque omne, quic-
quid utilitatis optimus hic scriptor adulterit, vel eo no-
mine deberi, quod TVIS potissimum auspiciis TVOque
consilio factum sit, ut ex tenebris, in quibus tam diu de-
lituit, in lucem a me extraheretur publicam. TIBI
igitur,

igitur, *VIR CELEBERRIME*, auctorem hunc
publice consecrandum existimavi, non solum ut gratae
mentis declarandae honesta mihi esset et expedita ratio,
neque ingratus viderer huiusque beneficij immemor; sed
etiam ut omnes intelligent, cuinam acceptum ferant poli-
tissimi huius scriptoris usum atque insignem, qui iure
exspectandus est, lectionis fructum. Id quod uti sin-
cere profiteor animumque obstrictissimum deuinctissi-
mumque *TIBI* spondeo; sic, ut mansuetorum musa-
rum salus firma maneat ac stabilis, pro *TE*, illarum
salutis tam strenuo et indefesso custode: tam grauissimo
earum, quo olim fulserunt, splendoris vindice, vota cum
omnibus, qui litteras amant, nuncupo *TVĀ*que praef-
stantissima ingenii monumenta, quibus seculum *TIBI*
deuinxi, aeque admiror ac praeclarum *TVVM* et
paene inuidendum ad immortalitatem cursum. Vale,
VIR CELEBERRIME: completere me, uti ad-
huc fecisti, *TVĀ* benevolentia, ac praefantissimos SO-
CIOS COLVMBARIOS, in quorum amplissimum
collegium nuper me cooptatum esse, gaudeo, meo nomi-
ne saluta ipsisque significa, meam erga illustrem hanc
et florentissimam societatem obseruantiam esse tantam;
quanta cogitari possit maxima. Ienae, d. XII. febr.
c Icc LII.



LECTORI BENEVOLO

S. P. D

IOANN. ERNEST. IMMAN. WALCHIVS



TSI varia, quibus proxime superiora secula
fertilia fuerunt, ingeniorum monumenta ex
bibliothecarum claustris in lucem protracta
sunt publicam, quae si in cubiculis suis, ve-
luti in perpetuo carcere, delituisserent, et eorum auctoribus
honorificentius; et posteris utilius et solidae eruditionis
commodis aptius fuisse, iure meritoque arbitror; huius ta-
men scriptoris, quam exspectat, fortunae non adeo diffi-
do, ut aut frustra suscepit laboris poenam; aut gloriae,
quam ille sibi multis iam modis comparauit, diminutio-

A 2

nem



nem mihi credam esse pertimescendam. De BERNARDO ORICELLARIO loquor, opusculi huius elegantissimi artifice et fabricatore, de cuius vita rebusque praeclare gestis: de aliis, quibuscum sanguinis vinculo coniunctus fuit, illustris huius nominis heredibus deque ipsorum in ciues pariter ac politiores musas insignibus meritis multa forent dicenda; nolo autem in talem me demittere fundum, qualem ab aliis et nominatim ab eruditissimo Anglo IOANNONE BRIDLEIO *) occupatum esse video. Dicam breuiter de ipsa hac, quam typis describendam curaui, commentatione, deque aliis rebus, quae ad illam maxime spectare mihi videntur.

IPSIVS ORICELLARI^I nominis quamquam in eo, ex quo meum huius libelli exemplum descriptum fuit, codice vel vllum vestigium relictum; aut viri huius doctissimi mentionem factam esse, nusquam reperimus; varia tamen eaque grauissima adesse puto, quae me moueant, argumenta, vt hoc commentariolum nullius, quam Oricellariani ingenii statuam esse fetum. Quod si enim praeclarum ipsius, quod de rebus, in Italia gestis, scripsit, opus legeris: si in primis ad dicendi genus, ad quod auctor adspirat, animum aduerteris, id in vtroque libro non modo sibi simillimum; sed et idem esse, vel pauca peruelutando, facili negotio obseruabis. In ipso porro codice,

qui

*) Praefatione, quam ORICELLARII huius historiae de rebus in Italia gestis, an. CCCCC LXXXIII. sive ab aduentu Caroli VII. regis Galliae in Ital. ex libro manu exarato Londini CCCCCXXIV. editae, praemisit.

qui in bibliotheca Gaddiorum Florentiae visitur, Oricellarii manu nonnulla emendata et correcta, varia quoque partim deleta: partim addita sunt, id quod cur fecisset noster Bernardus in alias ingenii specimine, caussam video nullam. Accedit, quod maximum in his rebus censetur, ipsum nostri scriptoris de se deque ipso hoc opusculo praeclarum ac luculentum testimonium, quantum ex his cel.

A N T. FRANC. GORII verbis, ad codicem meum scriptis,

potest intelligi: *plura sunt argumenta, vt adscribam hoc opus BERNARDO ORICELLARIO: nam in eo volumine, quod exstat in bibliotheca Riccardia et in quo illustrat P. Victorem de regionibus urbis, promittit, se scriptorum de magistratibus veterum Romanorum*, adeo, vt nulla et ne minima quidem de libelli huius auctore dubitandi adsit caufsa.

Q V O D si ipsam hanc commentationem respicimus, ea ita est comparata, vt, vtrum ab elegantia dictionis; an ingenii fertilitate; aut argumenti iucunditate maior ei accedat commendatio, ipse me nescire, libentissime fatear. Libro primo officia magistratum adcurate percenset et in hoc arguento haud vulgarem de grauissimis rebus solide iudicandi facultatem luculenter demonstrat. Disputat de seriis ita, vt, dum grauissimi morum et rectae vitae magistri personam induit, sermio eius simul nescio quid leporis habeat ac festiuitatis, ac per totam commentationem grauitas singularis ac decora vrbanitas aeque diffusa ac dispersa seueraque, quam tractat, disciplina his condimentis mitigata esse videatur. Libro secundo in explican-

da atque enodanda veterum magistratum Romanorum ratione dilucide noster auctor versatur; nec vlos credo facile reperiri, quibus opera, ab eo adhibita, leuis; ipsa vero argumentorum tractatio tenuis atque exilis et, qui ad harum rerum amatores redundet, fructus exiguis videatur, si modo aetatem cogitauerint, qua vixit; nec primoribus solum labris id studiorum genus gustauerint; aut extremis, vt dicitur, id adtigerint digitis. Sunt, quod nemo; nisi hebes ac imperitus, facile negabit, sunt, inquam, qui in eodem campo, in quo **O R I C E L L A R I V** noster ingenium exercuit, virium suarum periculum fecerunt. Addo, eorum plurimos longe praestantioribus melioribusque praesidiis fuisse instructos; quam quae benignior fortuna Oricellarii aevo indulxit; neque infitior, varias huius antiquitatum Romanarum studii partes a recentioribus scriptoribus et solidius disputatas et maiori testimoniorum adparatu fultas esse et corroboratas. Libentissime porro largior, eorum multa, quae prisci ingenii; licet saepe acutissimi, aciem vel plane, vel ad partem tantum effugerunt, in lucem hodie optatissimam vocata, multasque vetustioris aeui nubes ac tenebras, accenso longe clariori litterarum lumine, feliciter dissipatas esse; sed his omnibus de Oricellarii laude eiusque, quem conscripsit, libelli praestantia quidquam detrahi posse, vt credam, nunquam a me impetrabo. Quanto magis de tam insignibus, quas nostro potissimum aevo litterae mansuetiores fecerunt, subsidiorum honorumque accessionibus laetor; laetor vero quam maxime, tan-

to

to firmiorem eorum existimo esse sententiam, qui vtrosque scriptores, tam quos nostra tulit aetas; quam qui superioribus seculis post renatas litteras ingenii et doctrinae laude floruerunt, arcto coniungendos esse vinculo; neque, illos vnicے sequendos, hos aspernandos esse, iudicant. Quid? quod tantum abesse credam, vt posthabitis omnibus, quae seculum potissimum decimum quintum sapient, feliores in antiquitatum profanarum campo progressiones faciamus, vt eo difficiliorem in his stadiis cursum teneamus, quo puriores plerumque fontes fuerunt, ex quibus optimi illi musarum antistites suam hauserunt antiquarum rerum cognitionem. Idem et summo quidem iure de **O R I C E L L A R I O** nostro tenendum est. Quem, si tot, quot hodie nobis sunt, praesidiis quasi stipatus fuisset, plura et discutere aptius et exponere fusius potuisse, equidem haud nego; simul tamen ipsum vel ideo maximi faciendum iure meritoque arbitror, quod riulos neque sectatus est; neque sectari facile potuit; sed limpidissimos adiit fontes: optimos et probatissimos tam veteris Graeciae; quam Latii auctores singulari industria perlegit, ac, quae ad ipsius rem facere videbantur, hinc inde dispersa, in breve hoc opusculum apte sciteque coegit. Proinde factum est, vt multa veteranum scriptorum insignia effata, **L I V I I** potissimum et **D I O N Y S I I** *Halicarnassensis* adnotaret atque excerpteret, quae frustra apud alios harum rerum scriptores quaesueris. Sexcenta vero recentiorum scriptorum nomina, ex **P I T I S C O**, **F A B R I C I O** ac librorum indicibus compilata, si quid probandum est; aut confir-


confirmandum, non tanti apud me sunt pretii; aut ponderis; quanti vel vnicum aut Liuui; aut Ciceronis; aut alius probae fidei scriptoris ea de re insigne et luculentum testimonium. Scribendi ratio, quam adhibuit **O R I C E L L A R I V S** noster, est elegans ac summas prae me habere mihi videor rationes, ipsi inter eos haud infimum adsignandi locum, qui tum in Italia exstiterunt grauissimi reuiuiscentium litterarum splendoris vindices earumque salutis strenui statores. Tuetur vbiuis linguae Romanae castitatem ac polita vtitur oratione. Saepe Ciceronem; vel Liuium tibi audire videberis; nec fallet te aurium iudicium, siquidem is vtrumque scriptorem haud raro ad verbum, et tam feliciter, expressit, vt dicendi, quod affectauit, genus vix inconstantiae nomine accusare; aut multiforme disparque sui esse, dicere te posse, credam. Idem obseruabis tum, quum Senecam imitandum sibi propositum, adeo vt antiquitatum pariter ac politioris stili cultoribus aequre placitum Bernardum nostrum esse, haud vnam, quae suadeat, adesse rationem arbitrer.

A D D O pauca de codice manu exarato, ex quo libellum hunc in publicam lucem emitto. Latuit is diu in instructissima Gaddiorum Florentina bibliotheca, ad quam quum celeberrimo et ad ornanda litterarum studia nato **ANT. FRANC. GORIO** aditus pateret, factum est, vt anno **C I C I C C X X X V** dictus ille codex in manus eius incidet. Ex quo quum et argumenti dignitatem et sermonis elegantiam vbiuis elucere, animaduertisset, optimum hunc libellum diutius in his cancellis remanere, minime passus est;

est; sed eum, quod vetustate detritus erat, de novo describendum curauit, descriptumque in suum museum transtulit, eo consilio, vt is, si ferret occasio et adesset, qui impensas in se susciperet, cum eruditio coetu communicaretur. Sine dubio id iam pridem ab ipso doctissimo viro factum fuisset; nisi alia grauiora, quibus se implicitum vidit, negotia ab hoc laudabili instituto eum reuocassent. Quapropter per mihi gratum atque iucundum accidit, quum ipse anno **C I C I C C X L V I I**. Florentiae per aliquod tempus commorarer et apud cel. virum sermo et in Oricellarium hunc, ne scio quo casu, incideret, vt ille, quae eius singularis erat erga me benevolentia ac nimia in tenues meas vires fiducia, sponte codicem hunc mihi offerret: quam ante ipse susceperebat, editoris prouinciam perhumaniter in me deuolueret atque Oricellarium suum mecum in Germaniam migrare iuberet. Pro qua insigni eius erga me benevolentia vti maximas ipsi habui gratias; sic omnem meam operam, quantum potui, in eo collocaui, vt nouus hic itineris comes fortunam in Germania experiretur benignam, ac futurus quasi Germaniae inquilinus, nouo exornaretur habitu.

S V P E R E S T itaque, vt, quae ipse ad expoliendum optimum hunc scriptorem egerim, quaeue susceperebat, breuiter ostendam. Nolui commentarium in Oricellarium scribere; aut ad supplenda ea, quae cognoui a meo auctore aut omissa; aut breuiter adnotata esse, copiosissime effundere, quae a sexcentis aliis antiquitatum Romanarum scriptoribus et disputata subtiliter; et exposita docte et fuse fuerunt. Neque ego me credo egressum vñquam cancel-

los, quos mihi ipse tum, quum opus hoc adgrederer, circumdedi. Adnotaui solum ea, quae prae ceteris animaduersione digna mihi sunt visa. In primis vero in eo studium meum posui, vt omnia veterum auctorum effata, ad quae saepe numero tacite auctor prouocauit; aut, si et testis adduxit nomen; locum tamen testimonii more sui aeui haud significauit, pro virium ratione indicarem, id quod tantum mihi saepe negotii faceſſuit, quantum temporis vix copiosissimis adnotationibus comportandis tribuere necesse habuiffem. Ipsa, quae excitauit auctor, veterum scriptorum testimonia a nostris editionibus, maxime in nominibus, aberrare, haud raro obſeruaui; nolui vero omnibus scribendi vitiis ac erroribus honorificum *lectionum variantium* nomen tribuere. Emendaui itaque ex optimis veterum scriptorum editionibus, vbi aperta corruptionis signa deprehendi et, si quae male adfecta in ipsius auctoris verbis occurrebant; his non prius; quam vbi summa efflagitabat necessitas, medicinam ex ingenio paraui. Ipsum opusculum neque in libros; neque in capita fuit distributum; vtrumque vero distinguendi genus propter lectionis commoditatem si adiicerem, haud inconsultum fore, arbitratus sum. Tu vero, lector beneuole, vale mihi que ac meis conatibus faue. Ienae, d. XII Iul. anno reparatae salutis C I C I O C C L I I.



LIBER I

DE
OFFICIIS MAGISTRATVVM

C A P V T I



ILLVD vnum fixum animo tenendum est: oportere magistratum habere deum propitium. Sic enim firmum iecerit fundamentum omnium, quae mente conceperit atque dicturus facturusque erit; aduersa vero omnia experietur, contemto numine. Itaque nihil, quod ad dei cultum pertineat, negligendum est, quod institutum non modo ipse magistratus perseveranter tenere debet; sed ab omni eius familia teneri firmiter et ab omnibus, qui eius fidei commissi sunt, obſeruari, ab eo curandum est, quod quidem erit utlissimum. Nam, vbi religio colitur, sanctius vivatur, oportet, et moderatius. Coerciti enim diuinarum legum vinculo, metuque caelestis supplicii deterriti, efficimur ad delicta tardiores, et ad officium et honestatem promptiores. Veremur enim, ne quid superbe, auare, crudeliter, immunde faciamus: ne impii: ne ingratifiſſe, videamur, putamusque conſtanter, nihil in terris committi mali fine suppicio; nec quidquam praefari boni sine praemio. Itaque religio plurimum valet ad scelerā coercenda; non minus ad virtutē excitanda. Quapropter non modo magistratus; verum etiam ceteri omnes tanto habentur meliores; quanto ad religionem et rem diuinam omni studio et facultate propensiores esse, videntur. Inde enim gignitur quedam virtutis opinio, et modestiae singularis, quae plurimum pollet ad mentes hominum illicendas, fleſſandas, concitandas, leniendas, exasperandas. Nec vero, qui imperatorem deum contemnit, honestatem colere putatur: huius neque vita laudari, neque res gestae probari possunt, estque a publicis gubernaculis longe abiiciendus, quum neque ipſe

ipse praeclara; aut vtilia gerere; nec ceteros ad ea gerenda hortari valeat; aut, si fuerit hortatus, nemo est, qui adsentiatu honesta suadenti. Tanta pii et religiosi hominis est veneratio, vt, quidquid velit persuaderi, dici non possit, quam facilis sit omnium aduersus.

C A P V T II

VALET igitur religio plurimum in omnibus rebus gerendis: tum his, qui in re publica versantur, maxime est necessaria. Sed, quoniam magistratum oportet esse prudentem, iustum, fortem et temperantem, qua ratione id certe fiat, breuiter est differendum, siquidem magistratus vndeconque vir consummatus esse debet. Vnde iure ab iure dicitum est, *magistratus virum ostendit.*^{a)} Est igitur prudentia posita in consiliis capiendis, cuius munus est, bene consulere et, quid agendum sit, bene imperare et rationem officiorum reddere. Si quidem prudentia est posita in veri vestigatione, et vera opinari, vt scribit **SENECA**, pulchrum est, mentiri turpe. Si enim prudens esse cupis, quod idem sapienter monet, in futura curam intende, et, quae possunt contingere, animo tuo propone: nihil tibi subitum sit; sed totum ante conspicies. Si prudens est animus tuus, tribus temporibus dispensetur, praesentia ordina: futura prouide: praeterita recordare. Nam qui nihil de praeterito cogitat, perdet vitam: qui nihil de futuro prae-meditatur, in omnia ineuctus incidit. Est autem, vt idem obseruat, prudentiae proprium, examinare consilia, et non cito facili credulitate ad falsa prolabi. Vnde idem ait, de dubiis non definias; sed suspensam tene sententiam, nihil inexpertus adfirmes, quod faciet prudens, cuius propria actio est indagare, et inuenire verum. Est enim prudentia habitus verus cum ratione, qui in iis agendis versatur, quae sunt homini bona et mala, vt scribit **ARISTOTELIS.**^{b)} Prudentes sunt, qui publicis priuatisque rebus administrandis sunt apti; sapientia vero proprias commoditates spernit. Et haec est scientia et intellectus rerum pretiosissimarum, cui qui student, sapientes adpellantur, vt Anaxagoras et Thales innumerique alii senserunt, qui, propria commoda ignorantes, totos se eorum investigationi dediderunt, quae sunt exigua, admiranda, difficultia, diuina. Itaque **PLATO** vult^{c)} philosophos sponte sua ad munera rei publicae obeunda accedere, quae tunc ramen optime ad-

^{a)} apud **ARISTOTELEM** libr. V. II. operum, p. 44. sq.

ethic. cap. 3. tom. II. operum, p. 34. ^{c)} libr. V. de republ. tom. II. operum, p. 473. sq. tom. rum, p. 501.

^{b)} libr. VI. ethic. cap. V. sq. tom. rum, p. 473. sq. p. 501.

administratur, quum philosophi eam gubernant et regunt; aut quum ipsi reges philosophantur, vt Cato apud **CICERONEM**^{d)} in hanc sententiam loquitur. Quum autem ad tuendos, conseruandosque homines hominem natum esse videamus: consentaneum est huic naturae, vt sapiens velit gerere et administrare rem publicam. Vnde hi, qui ingenio valent, et fugiunt rei publicae munera, ab officio discedunt, et eam sinunt perire, pro qua usque ad mortem certandum est. In praecips tendit res publica, quum iuuenum consiliis et sententia regitur; detrimentum autem nullum maius potest accidere rei publicae; quam a pessimo regi homine. Ait enim Socrates apud **PLATONEM:**^{e)} praua anima male imperabit; bona vero omnia recta faciet: iniustitia praebet iuicem odia, pugnas et seditiones; consensum vero amicitiamque iustitia. **PLATO** tamen: ciues, si boni sint, non debere arbitratur sponte ad rem publicam accedere, ne videantur aut pretio adlecti; aut propter avaritiae crimen; aut cupiditate honoris adducti, quod est hominis ambitiosi. Ex quo enim turpissimum visum, sponte sua quempiam ad regimen accedere, hac de caussa, neque pecunia, neque honore ductos bonos homines imperare voluisse, memorat. Oportet igitur, illis necessitatem imponi et mulctam, si impellendi sunt, vt velint magistratum suscipere. Maxima vero mulcta est, administrationi malorum subiici; nisi ipsi suscepint rei publicae gubernaculum, ad quod accedunt, tamquam ad rem necessariam, quum neque melioribus; neque similibus se committere audeant.

C A P V T III

EST prudentia habitus naturalis, cuius contrarium dicitur malitia. Inspectio autem prudentia veritatem, cuius inspectio, vt **PLATO** ait, quam habeat voluntatem, impossibile est, alium, praeter philosophum, gustare posse. Adde etiam, quod veritas sit obiectum ipsius intellectus, qui tunc perfectus est, quum habet scientiam, quae est rerum verarum; verum quippe est id, quod scitur. Itaque bonum mentis est ipsa veritas et recta cognitio: itaque **PLATO** scribit:^{f)} verum mendacium, si modo verum dici potest, omnes homines pariter oderunt, atque aii, et alibi ait: *virtus est sanitas quaedam et bona valetudo ipsius animae; ma-*

B 3

litia

^{d)} de senectute, cap. IV.

p. 644. libr. V. p. 736. et libr. III.

p. 689.

^{e)} libr. I. de republ. tom. II. operum p. 351. adde libr. I. de legibus

f) libr. II. de republ. tom. III. oper. p. 382.

titia vero morbus, turpitudo et infirmitas. ^{g)} Sunt tamen, qui, prudenter, nisi per adlicationem ad singulas virtutes, esse virtutem, ne gent. Est profecto prudentia in magistratu ita necessaria, ut nihil magis: qua praesentia recte curer: futuris prospiciat, et praeterita ad salutem reipublicae repeat: qua bonos a malis fecernat, et illos deliberandis rebus recipiat, hos, quantum fieri potest, abiiciat, et radicitus extirpet. At, si hoc fieri nequeat, propter multitudinem improborum, quibus, vt *XENOPHON* ait, plurimum ciuitates abundant; depurationem quamdam adhibebit, tamquam a lolio frumenti. Pertinet etiam ad magistratus prudentiam, obseruare unumquemque, ut officium, ut mores, ut aetas, ut auctoritas postulabit, interdum ut genus, si a virtutis opinione non abhorreat. Est et eiusdem prudentiae munus, bonorum consilio vti, quo nihil speciosius: nihil tranquillus agi potest. Hinc enim ciuitatis salus, stabilitas et robur constat. Quam ob rem, quorum sit integritas spectata, mores probati, auctoritas non vulgaris, aetas non contemnanda, genus non despectum, eorum sententias magistratus minime adspicuntur. Ita fiet, ut non solum ex re bene gesta; sed etiam, quia consilio clarorum virorum vsus fit, laudem consequatur, ut, si vel maxime cupiant detractores, rerum a se gestarum exitum improbare non possint. Hinc *ZENO* eos commendandos in primis censet, qui ab aliis moneri malunt, quam ipsi suo ducetu rem gerere, ut, quamquam, industria freti sua, valeant ipsi ingenio, et consilio sint perspicaci; tamen, quid ceteris quoque videatur, explorent. Quapropter adhibenda est in rebus agendis optimorum consultatio. Pessimi vero ciues, ut diuinus *PLATO* monet, careant splendore: iaceant oppressa vita, nullusque pateat aditus ad dignitatem; nec unquam extollantur; at bonorum honestissimis consiliis referta sit ciuitas: ferueat optimorum auspiciis res publica, ducetque illorum exeant in aciem, et prodeant legum decretorumque vexilla, et pacis cohortes, illis ducibus, suo in loco statuantur. Vbi enim improbitas valer, non imperium illud quidem dicendum est, non ciuitas, non res publica; sed tyrannis et secessio, ac temeraria sicariorum turbulentia, praecipit ad omnia flagitia. Quo quum deducta res est, quaeque res publica funditus evertatur, necesse est. Itaque olim a Romanis censores optimo consilio instituti sunt, quibus esset morum cura, quique pessimum quemque senatu reliquisque ordinibus pellerent, qua dignitate et officio, nihil unquam sanctius Roma vidit. Floruisse enim rem publicam scimus, quam diu bonorum consilia

g) *Sophist. tom. I. oper. p. 228.*

lia valuerunt; postea vero quam ad nefarios perducta res est, ortae ciuiles discordiae, bellaque intestina rem publicam atque imperium sustulerunt. Eam ob rem Philippus, Alexandri pater, quum opprimere Atheniensium libertatem statuisset: dari sibi sapientiores urbis, postulauit, ut, eorum consiliis spoliata ciuitas facilius in discrimen et seruitutem traduceretur. Intelligebat callidus rex, non plus valere foris strenuum militem; quam egregium ciuem domi, ad rem publicam defendendam, a quo quum esset destituta, citius; quam a milite deserta, caperetur. Sic apud *HOMERVM* Agamemnon, plures sibi dari in castris, optat, Nestores; quam Achilles, quorum alteri manu, alteri consilio valerent.

CAPVT IV

SED quoniam prudentiae partes, quoad fieri potuit, breuiter exse-
quuntur sumus, nunc, quantum iustitia magistrati necessaria sit, quantumque generis humani societatem conseruet, perstringendum videtur. *Iustitia*, vt *CICERO* ait, latissime patet. Est autem iustitia, vt *ARISTOTELES* definit, *habitus electius circa ea omnia, in quibus versatur vir studiosus, ad seruandas leges, communis commodi causa,* ^{h)} et haec legitima iustitia dicitur. Altera vero iustitia particularis appellatur, quae ab eodem sic definitur: *iustitia est habitus electius circa definitam materiam, ut puta honores, contractus, et cetera id genus, tribuens cuique, quod suum est.* ⁱ⁾ Comites iustitiae sunt liberalitas, magnificentia, religio, pietas, gratitudo, sanctitas, obedientia, fides, et legum mandatorumque obseruatio, adde aequitatem, bonitatem, veritatem. Est autem iustitia praeclarissima omnium virtutum, et neque hesperus; neque lucifer ita admirabilis est, ut recte monet *ARISTOTELES.* ^{k)} Quid? quod proverbio dici consuevit: *iustitia in se virtutes continet omnes, habetque iustitia, auctore EVRIPIDE, os aureum.* Est quidem iustitia virtus perfectissima, ea enim ceteros homines perficit, et, quia est usus perfectae virtutis, qui eam habet, et ad se, et ad alios vti potest. Itaque *SENECA*, ex opinione et sententia Stoicorum, iustitiam definit, esse *naturae tacitam conventionem, in adiutorium multorum inuentam.* Et aliter sic ab eodem definitur: *Iustitia est diuina lex et vinculum societatis humanae;* idemque ait: *si vis esse iustus, Deum time et ama; amabis autem, si in hoc illum imitaberis, ut velis omnibus prodere,* ^{l)}

h) libr. V. ethicor. p. 33. sq.
i) loc. excitato.

k) libr. V. ethic. cap. 2. tom. II. operum, p. 33.

esse, et nulli nocere. Itaque *Trasymachus apud PLATONEM, id circò amplectendam iustitiam,* dicit, *quod aliis magis prodest; quam habentibus.* Est enim iustitia virtus ad alium. Pertinet autem ad iustitiam non solum legibus constituta, dictaque omnia, facta conuentaque custodiare; sed pietate et sanctitate in deos: veneratione in parentes ut iubere, et, ne mortui quidem ut spernantur, pati: quibus, sacrificia fieri et iusta, imperat, persolui. Itaque oportet magistratum nec precibus, nec praemio ab aequitate discedere, qui, ut opem ferat, electus est, et iniuritatem depellat. Hinc recte sentiunt, qui censem, caput omnium, quae ad magistratum pertinent, esse iustitiam.

CAPVT V

DEbet igitur magistratus omni ope niti, ne quid superbe, flagitiose, iniuste faciat, dicat, permittat, siisque acerrimus defensor publicae honestatis, maxime omnium, quae ad leges et iura, tam humana; quam etiam diuina, pertineant, habeatque ante oculos praeclaram illam HERACLITI sententiam, leges, ut muros, esse defendendas, quum multo sit periculosius, ciuitatem legibus carere; quam urbem muris. Tum, qui leges ciuitatis oppugnant, scelestiores habendos esse; quam qui muros, iudicare debemus. Si enim non solum hostes iudicandi sunt; sed parricidae, quum ea tollant, quibus salus et omnium vita continetur. Etenim turres et propugnacula vim externam depellunt, quae rara est, et non, nisi a potentioribus, infertur, vixque multis seculis solet accidere, ut moenia ariete pulsantur; leges autem quotidiano praefidio ciuitatem ab intestina iniuria tueruntur. Muri, ne ab imperatoribus, ne a regibus capiatur ciuitas, opem ferunt, quorum imperium aequum esse potest et tolerabile. Leges prohibent, ne turpi et flagitosae multitudini, ne improborum libidini seruamus, quod ferri a viris magni et constantis animi nullo modo potest. Itaque, quisquis leges e ciuitate sustulerit, quietem, libertatem, omniaque sustulerit, quae ad publicam utilitatem omniumque salutem sunt exigitata, adeo ut, quantum de legibus, tantum de beata vita, de libertate, de ciuium omnium incolumitate subtrahatur. Earum enim ope custoditur libertas: auctoritas honorum retinetur: retunditur temeritas improbae multitudinis: similitates submoventur: alitur concordia: res foris domique amplificatur: passim agitur honestum otium: comprimuntur tumultus: soipiuntur inimicitiae: extinguntur odia: omnis omnium ciuium perturbatio depellitur fortunae, opes, dignitates, denique bona omnia legibus

bus conseruantur, florent, atque amplificantur, vt multo firmior sit eorum gloria, qui partum imperium legibus moderati sunt; quam qui bello pepererunt. Diogenem solitum dicere, adffirmant, qua in ciuitate nec leges valerent; nec amnis currens influeret, in ea pernoctandum sapienti non esse, et quod, a PLATONE dictum, nostri auctores usurparunt: *sine legibus nec domus villa; nec ciuitas; nec gens; nec uniuersum hominum genus; nec rerum natura omnis; nec ipse mundus stare potest;* quae, eti, de diuina lege dicta, videntur; effunduntur tamen ad ciuitatum iura; quae ex illa priore, tamquam in riuos e viuo fonte, manarunt. Tenenda sunt etiam naturae iura, vt cognitionis, societatis, pietatis, amicitiae, ne quid inter propinquos fiat iniuria: ne quid fraudis in socios: ne liberi parentibus aduersentur: ne qua lite dissoluantur amicitiae: ne ingratitudinis crimen subeat, quo vitio, nihil detestabilius, et ab uniuersi generis humani societate magis alienum est: ne cui defendendi facultas eripiatur: ne bonis viris honor non adhibetur: ne anteferatur mendacium veritati, quae omnia sunt iura naturae, quae et, cogente nemine, nulloque proposito supplicio, quisque purare debet, esse seruanda, edoctus a natura, quae quosdam in nobis excitauit igniculos et fomenta virtutis, non a praceptoribus tradita; sed ingenita. Accedit ad id ritus gentium, nationum mores, instituta ciuitatum, decreta maiorum, quae nullo modo, contemni, magistratus pati debet. Euertunt enim, contemta, funditus ciuitatem, cuius salus in his maxime rebus est posita. Seruanda etiam sunt, diligenter, quae nulla lege constituta; tamen consensu omnium probata, recepta, frequentata sunt: quae ad consuetudinem referuntur: tum quae ad veritatem, utilitatem, honestatem pertinent; aut quae ex bono et aequo eliciuntur. Nihil enim est popularius, aequitate, multosque habet honestos adsertores. Tandem curandum est, ut seruentur promissa, pacta constent, non rescindantur, legata reddantur, tributa pendantur, vecigalia persoluantur. Haec si praestiterit magistratus, complexus erit prope omnes iustitiae partes, quae iis in rebus fere tota versatur. Etiam non contemnda est opinio bonorum, ut qui, magnis rebus gerendis, plus sibi auctoritatis comparauerunt. A sua dignitate deiiciendi non sunt, nam sunt etiam inter priuatos gradus quidam contentionesque honoris, ut alter alteri virtute, gloria, rebus gestis antecellat, quae, si contemnuntur, parient seditiones et tumultus. Hoc quoque ad iustitiam pertinet, ut cuiusque opinio, ut dignitas, ut auctoritas adtentatur.

CAP V T VI

LIBERALITATEM vero esse iustitiae partem, quis ignorat? Monet enim CICERO, vt pro dignitate cuique tribuatur, idque adserit esse iustitiae fundamentum. Sed videndum est primum, ne oblitus benignitas et iis ipsis, quibus benigne videbitur fieri, et ceteris: deinde, ne maior sit benignitas; quam facultates.¹⁾ Nam, vt idem ait,^{m)} posse liberalitatem vti, non spoliarem se patrimonio, nimurum is est pecuniae fructus maximus. Hinc ARISTOTELESⁿ⁾ scribit, pro modo fortunarum ipsam liberalitatem dici. Liberalis enim actio non in multitudine rerum, quae dantur; sed in habitu dantis consistit; hic autem pro facultatibus erogat. Quare iure ait SENECA,^{o)} turpissimum genus dandi esse inconsultam donationem. Hinc fit, vt multi dent iis, quibus dare non oportet, et, vt inquit ARISTOTELES^{p)} quos pauperes esse conuenit eos diuites faciunt, et honestis quidem hominibus nihil dant. Tribuendum est igitur dignis, et cuique, vt meretur, ergandum. Quare recte praecipit ARISTOTELES^{q)} liberalitatis quatuor esse cautions. Monet enim, dandum esse, quantum oportet: quibus oportet: vnde oportet, et quando. Nemo enim plus; quam facultas patiatur, erogare debet; nec indignis et scurris et ceteris vilissimis turpissimisque hominibus. Quisque etiam de suo dare debet. Quare Aristoteles damnat eos, qui accipiunt, vnde non oportet, propter erogandi cupiditatem, quod, deficientibus confessim rebus, facere, necessitas compellit, quorum dationes liberales non iudicantur quum honestae non sunt. Eos quoque improbare solemus, qui ad ostentationem largiuntur, quae fit gloriae causa. Quare inquit AMBROSIVS:^{r)} nec illa perfecta est liberalitas, si iactantiae causa magis; quam misericordiae largiaris, affectus tuus nomen imponit operi. Quomodo a nobis proficiuntur, sic aestimatur. Vnde PLINIVS^{s)} in epistolis scribit: meminimus, quanto maiori animo honestatis fructus in conscientia; quam in fama reponatur. Sequi enim gloria, non adpeti debet, et laudans Aristonem ait:^{t)} Ornata haec magnitudo animi, quae nihil ad ostentationem, omnia ad conscientiam refert, recteque facti non ex populi sermone mercedem; sed ex

1) libr. I. de offic. cap. 14. §. 1.

m) libr. II. de offic. cap. 18. §. 14.

n) libr. III. ethicor. cap. 2. tom.

II. operum, p. 25.

o) libr. III. de benef. cap. X.

p) loco excitato.

q) ibidem.

r) libr. I. de officiis ministrorum

cap. 30. §. 147. tom. II. operum P,

39. edit. Benedict.

s) libr. I. epist. 8.

t) libr. I. epist. 22.

ex facto petit. Perfecta est igitur liberalitas, vbi silentio quis tegit opus suum, et necessitati singulorum occulte subuenit. Honeste facti prae-mium est, fecisse, inquit SENECA, et Scipio apud SILIVM,^{u)} dicit, ipsa quidem virtus sibi met pulcherrima merces. Itaque recte inquit SENECA:^{x)} beneficium est benevolia actio, tribuens gaudium, capiensque tribuendo in id, quod facit prona et sponte sua parata. Itaque non quid fiat; aut quid detur, refert; sed qua mente: quia beneficium non in eo, quod fit; aut datur, consitit; sed in ipso dantis, aut facientis animo. Est igitur diligenter aduertendum in ipsa liberalitate, vt benignitas non superet facultatem: vt demus de nostro, et dignis, et opportunitis temporibus, tum, vt ostentatio fugiatur.

CAP V T VII

SED prudentiam et iustitiam magistrati esse pernecessariam, videor mihi, iam satis ostendisse. Nunc idem faciendum videtur de fortitudine atque temperantia. Est autem fortitudo mediocritas circa timorem et audaciam. Fortis non timet, quae timenda non sunt. Quum autem quedam eiusmodi sint, vt, ea metuere, honestum sit, et turpe, non metuere, veluti infamiam, quam qui timet, verecundus habetur, qui non timet, impudens: non circa omnes timores per defectum peccatur; sed circa eos duntaxat, qui excusari non possunt. Eodem modo non omnia fortis sunt; neque semper et qualibet de causa obi-cere se morti deberet. Proprie fortis est, qui ea, quae terribilia videntur et sunt, subit, quia decorum sit, ita facere; et turpe, non facere, qui-que non ad omnem mortem; sed ad honestam tantum et pro salute patriae, et ad omnia, quae adferunt mortem, interritus est, vt in bello, in quo pulchrum est mori, quod testantur honores, a ciuitatibus et regibus his, qui in bello ceciderunt, constituti. Quum singula, quae agimus, ad finem terminentur: decori gratia fortis subit et agit fortitudinis opera, et sic, quae oportet, et quando, et vt convenient, et vbi conuenit, sustinet, metuit atque audet. Laudabile est igitur, res magna adpetere; humiles vero contempnere: in periculis non frangi: do-lorem aequo animo ferre, et, gratia honestae laudis adipiscendae, nulla cuiusvis laboris magnitudine deterrei. Haec qui facit, et mirabilem in se amorem excitat multitudinis, et opera eius maxima splendidissima que habentur. Est autem fortitudo mediocritas circa timores et fiducias. Nam qui timendo exsuperat, et confidendo deficit, timidus dici-

C 2

u) libr. XIII. bell. Punic. v. 662. x) libr. I. de benef. cap. 6.

tur; qui non timendo exsuperat, dicitur insanus; vel stupidus, si nihil omnino timet, vt motus terrae, aquarum inundationes, et illa omnia, quae timenda sunt, quum superent naturam humanam, vt necesse sit, ipsa timere. Ille, qui confidendo exsuperat, audax est, et imitatur in principio fortem; sed quum ad pericula ventum est, dat terga, et fit timidus. Fortis vero et magnanimus putat, omnia humana esse inferiora, se et sua praestantia, eaque parui facit, et superat omnes dolores, quorum vim, vt volunt Stoici, opinio facit, non natura. Sed fortis animus et magnus, vt monet CICERO^y) maxime cernitur, quum a despicientia rerum externarum non discedimus, et magnas res gerimus, et maxime viles et vehementer arduas plenasque laborum et periculorum, cum vitae; tum multarum rerum causa. Oportet fortem, pri-
mum res humanas desplicere, quod qui faciunt, interriti sunt, ad res magnas et arduas aggrediendas: deinde: nihil; nisi magnum et arduum, gerere. Ii enim vere fortes sunt, qui ad honestam mortem et ea omnia, quae illam adferunt, interriti sunt; nec est fortitudo, nisi circa terribilia et valde periculosa. Quumque cuiuslibet operis, cum ratione suscepisti, honestus finis sit, sequitur, fortem decori et honesti gratia agere debe-
re. Agit et utilitatis communis gratia, si modo ea cum honestate con-
iuncta fuerit. Qui propriis commodis agendo consulit, fortis nullo modo est. Oporret fortem omnibus animi perturbationibus dominari,
nam, qui dolore, ira, timore, libidine ceterisque eiusmodi vincitur,
nec liber; nec fortis est; nec decet, qui inuidum se metu praestitit,
cum frangi cupiditate.

C A P V T VIII.

O P O R T E T igitur in magistratu esse fortitudinem, quae magnificen-
tiam et despicientiam rerum humanarum adferat, et tranquillitatem animi atque securitatem. Quod si contingat, totum se magistratus reipublicae tradet; nec opes; aut potentiam consecatibit, totamque eam sic tuebitur, vt omnibus consulat. Nec vero criminibus falsis in
odium; aut inuidiam quemquam vocabit, omninoque ita iustitiae hone-
statique adhaerescit, vt, eam conseruet, quamvis grauiter offendat, vt
CICERO^z) scribit, mortemque oppetat potius, quam ea deserat. Nec
vlli audiendi sunt, qui, grauiter irasci inimicis, magni animi et fortis
viri esse censem. Nihil enim laudabilius, nihil magno et praeclaro viro
dignius,

y) libr. I. de offic. cap. 20.

z) libr. I. de offic. cap. 25. §. 6.

dignius, placabilitate atque clementia.^a) Prohibenda est igitur maxime ira in puniendo, numquam enim iratus, qui accedit ad poenam, vt ait CICERO^b) mediocritatem illam tenebit, quas est inter nimium et pa-
rum. ARISTOTELES in libris ethicorum mediocritatem maxime lau-
dat, et, medium habitum amplectendum esse, docet, et, quo pacto in singulis adfectibus et actibus mediocritas possit inueniri, ostendit, quam HORATIVS^c) aureum adpellat. Itaque, qui rei publicae praesunt, legum similes esse, debent, quae, ad puniendum, non iracundia; sed aequitate ducuntur. Vnde, quemadmodum scribit PLATO^d) in legibus, quos insanabiles legislator esse senserit, ultimo supplicio adficer, non ignorans, melius fore iis, qui sunt insanabiles, mori; quam viue-
re. Sed omnis animaduersio et castigatio, vt ait CICERO, ad utilita-
tem rei publicae, non ad eius, qui punit aliquem; aut verbis castigat, re-
ferri ac omni contumelia vacari debet. Estque caendum, ne maior po-
ena quam culpa, sit, et ne iisdem de caussis alii plectantur, alii ne adpel-
lentur quidem. Fortitudo igitur, quae omnes animi perturbationes do-
mat, in magistratu maximopere est necessaria, verum non minus est temperantia, in qua ornatus vitae et modestia continetur, quae, si in priuatis requiritur, et pleno ore probatur, eo magis publicas personas illustrat, quas ea constanter vti oportet.

C A P V T VIII.

E ST autem temperantia, vt ARISTOTELES docet, mediocritas cir-
ca voluptates corporis et dolores; proprie vero circa eas voluptates,
quae gustu percipiuntur et tactu, vt in cibo potuque et rebus venereis,
circa quas versatur intemperantia, quae est exsuperatio. Vnde Philoxe-
nus, auctore ARISTOTELE, collum gruis optabat, vt maiorem vo-
luptatem in epulis sentiret, quae maxime sensum tactus et
gustus moueret. Vnde magis vituperanda est, quum sit no-
bis communis cum belluis, quae tactu delestantur et gustu; odore
autem non per se; sed per accidens. Vnde, quum id, quod est caussa
odoris, adsequuntur, non curant illum amplius, vt canes, qui feras
odore inuestigant et aues. Sensus tactus et gustus, sunt magis materia-
les, quam ceteri. Gustus est discretius saporum, et tactus est com-
munis et primus omnium sensuum quia omnia animalia habent tactum.

C 3

Circa

a) loco excitato §. 9.

c) libr. II. od. 10. v. 5.

b) Ibidem.

d) libr. VIII. de legibus, tom. II.
operum, p. 862.

Circa voluptates animi non versantur temperantia; aut intemperantia, et in his, quae visu percipiuntur, non dicimur temperantes; aut intemperantes; nec his, quae percipiuntur olfactu. Interdum enim capiuntur voluptates ex odore florum; non tamen dicitur intemperantia. Relinquitur ergo temperantia et intemperantia versari circa quae gustu tactuque percipiuntur.

C A P V T X

COMPLECTITVR autem temperantia verecundiam, modestiam, ordinem, constantiam et ornatum. Temperantiam dicebant Stoici matrem omnium officiorum; intemperantiam vero omnium perturbationum. Modestia vero, vix dici queat, quantum magistratui adferat ornatum, quae persuadet, vt nihil adpetamus, quod non sit adpetendum, vt pecunias: vt opes alienas. Nascitur enim ex hoc intemperato adpetitu depopulatio, ruinae, excusione: nascitur etiam libido, explenda voluptatis, a lege prohibitae; nec vlla res est, quae magis offendat popularium animos; quam iniuria libidinis, vt stupra: vt adulteria, et quae sunt eiusdem generis turpitudines, vt omnis violatio pudicitiae, quae ita custodienda est, vt nullum omnino libidinis vestigium in magistratu videatur adparere. Haec enim omnia et ab honestate vitae; et ab officii grauitate recedunt. Rerum autem omnium in magistratu avaritia turpissima est, quae et odium parit; et maximas solet importare calamitates et detrimenta. Gignit etiam peruersam opinionem integratatis, vt, quem cupidum pecuniarum intelligent, posse eum in caussis iudicandis integrum esse, non putent. Pertinet quoque ad magistratum frugalitas et virtus moderatio. Efficit enim, vt et potator in otio viuat; et quamdam prae se ferat opinionem honestatis; contra ei, qui deditus est temulentiae et eluizioni corporis, vires eneruantur. Fluat animus, voluptatum cupiditatibus immersus explendarumque libidinum, quarum origo omnis est a ventre, et est ciuitati pestifera. Dignitate enim abiecta et contemta, res publica vnius principis intemperantia, inlicentia, luxuque tota dissoluitur. Hinc Solon Atheniensis praecclare legem tulit, quae iubebat, temulentum principem morte esse mulctandum, quum satius sit, vnum hominem in republica interire; quam in uno homine totam foedari rem publicam. Est igitur primum munus magistratus, se personam ciuitatis gerere, intelligere, debereque eius dignitatem et decus omnibus in rebus et actionibus sustinere: feruare leges: iura describere, et, ea fidei suae commissa esse, meminisse. Nam, qui magistratum init, exuere statim se ipsum, debet, et omne

omne suum studium et cupiditatem cum veste deponere, et publicam personam induere vniuersae ciuitatis, existimareque, publica instituta, priuata caritate, esse potiora. Oportetque magistratus animum in consulendo esse liberum: in iudicando liberiorem, vt ea dicat, quae sentiat: ea sentiat, quae, legibus confirmata, ad publicam utilitatem referantur, seque torum ad commodum ciuitatis instruat et armet, pro quo, quoties opus fit, depraefietur, et neminem, nisi quantum fert communis ratio, extollendum, putet, deprimendum neminem. Sedeat publicus arbiter legumque interpres, nullam in partem, nisi quo illum illarum sanctitas vocat, declinaturus: existimet, sibi iustitiae defendendae gratia, quamvis graues, inimicitias esse subeundas; nec iniustitiam unicum malum, vt SOCRATES adpellare solebat, iustitiae, quod maximum est bonum, anteponat. Nam qui amore; aut odio; aut spe; aut metu iudicat, is, ab amplissima dignitate sua recedens, iustitiae officia pertuerit, et ciuitati non mediocrem facit iniuriam, communi iure violato, quo quid potest esse acriori suppicio dignum? Magistratus enim partes sunt, omni via honestatem defendere, et decus publicum augere, prouidereque, ne quid domus, ne agri, siue sint illi publici; siue priuati, denique ne ciuitas omnis aliquo adsciatetur incommodo: meminisse, ad utilitatem ciuilis societatis, ad salutem omnium se esse constitutum, cuius quanto amplior est dignitas, tanto sunt delicta habenda grauiora, quippe, quum publico fungatur munere, delinquere sine publica ignominia non potest. Itaque a magistratu omnis adhibenda diligentia est, non solum, ne quid res publica capiat detimenti; sed etiam multo magis, vt concordia, vt moribus, legibus, institutis crescat, nullaque pars sit, cui, debita cum diligentia, non consulatur. Atque ita suprema fastigia curanda sunt, vt infima non negligantur: quemadmodum in pulchro et praestanti corpore vultus quidem honesta munditia in primis curanda; sed ne capilli tamen vnguesque negligentius habendi sunt, quum parua labe magna saepe ornamenta foedentur.

C A P V T XI

IT A Q V E oportet eum, qui rei publicae gubernacula moderatur, multiplici cura inuigilare; nec vna sola virtute esse contentum; sed virtutum omnium praestare genere, vt sit tamquam speculum quoddam honestatis clarum atque splendidum, quo se ceteri componant, ad bene sancteque viuendum. Itaque laudatur illud Themistoclis decretum, quo magistratus a ludis arcebantur, ne res publica ludere ipsa viderentur. Etiam in eadem ciuitate consuetudo verus diu tenuit, ne nimis aditus

XXIII DE MAGISTRATIBVS

aditus esset in theatrum et scenam, nisi honesta modulantibus, quod ea de causa faciebant, ne, qui essent in spectaculo, magistratus parum honesti spectatores fierent. Est etiam magistratus munus, imbecillitatem contra potentiam, inopiam contra diutinas tueri atque defendere, vt, quum tota res publica eius sit commissa imperio, atque eius tradita custodiae, quod infirmius sit, id maiori praesidio tueatur, vt in urbium moenibus fieri solet, ubi, quae minus munita sunt, fortius defenduntur. Curandum est etiam magistratui, vt nihil-excolatur; nisi virtus: nihil, nisi quod contra virtutem est, deprimatur. Maximam etiam laudem in magistratu sibi vendicat clementia, quae propria est praestantis et mansueti viri, et magis naturae nostrae imbecillitatem; quam legum severitatem; aut sceleris atrocitatem cogitantis. Nam acerbius punire nocentes, torquere, excruciare, crudelissimi solent; iniurias autem moderante persequi, magni animi opus est, et suppicia ad suam mansuetudinem, non ad sceleris atrocitatem, referentis. Nescio tamen, an omnino obliuisci iniurias oporteat. Id enim in magistratu non probant; in priuatis tamen hominibus nihil magnificentius ducunt et salutarius. Cicero tamen ambigit, an post illatas iniurias satis sit poenitentia, vt, qui intulit, alias non audeat, et ceteri sint ad iniuriam tardiores. In principe vero, si sibi iuriariae factae sint, nihil est speciosius; quam ignorare, si in ceteros, nihil perniciosius; quam negligere. Scelera enim negligenda non sunt, quae si praetereantur impune, nihil est, quod non ausura temeritas sit. Sed nec acerbius; quam ferat ratio humanitatis et magnitudo delicti, puniendum. Athenienses, quorum praecepta de vita praeclara sunt habita, unde leges nostrae, tamquam de fonte, defluxerunt, vel in grauissimo scelere cicutam adferebant, eo suppicio contenti, quod, et si est leue, tamen eumdem exitum habet, quem culleus. Cui est Phalaridis taurus incognitus; aut subscriptio Neronis? quorum alter eum, qui tam immane supplicium excogitasset, illo ipso in tauro necari iussit: alter, quoties esset ciuis multandus morte, dicere solebat, quam velle se ignorare litteras, ne alienae calamitati manum adponeret. Inuitus igitur ad damnationem hominis magistratus accedere debet, vt, quantum voluptatis capiat scelere comprimendo; tantum capiat doloris, quod in scelus inciderint, qui sunt puniendi. Denique nihil est, quod nos aequa diis pares faciat; quam clementia de qua ita CLAVDIANVS^{e)}

nam quum vincamur in omni
Munere, sola deos aequat clementia nobis.

e) de IIII. conf. Honor. v. 276.

CAPVT

ROMANORVM VETERVM. XXV

CAPVT XII

SED summa officiorum magistratum haec est: in primis proponat sibi deum, omni pietate colendum, quo iacto fundamento, quidquid superaedificauerit, nulla procella, nulla vis vinxam labefactabit. Iustitiam omnibus in rebus constanter seruet: bonos veros non despiciat, publicisque consultationibus admittat: omnia prudenter, iuste, fortiter atque temperate et modeste agat: crudelitati, libidini, omnibus flagitiis bellum indicat: publicae utilitati infestuat: legibus et aequitate semper, numquam pretio, gratia, libidine iudicet: ob rem iudicandam pecuniam non accipiat: omnem auaritiae suspicionem vitet: caueat, ne quam in rem; aut quem in hominem aut immanior; aut propensior fuisse videatur. Denique, quidquid honestati repugnet, fugiat. Haec si praestiterit, summorum hominum, qui rei publicae praefuerunt, sequitur vestigia, ciuibus tranquillitatem et salutem pariet, et sibi gloriam non solum ingentem; verum etiam immortalem comparabit.

LIBER II

DE MAGISTRATIBVS ROMANORVM

CAPVT I

DE SENATORIBVS

OFFICIA magistratum iam, vti nobis videamus, satis plene exequi sunt, et vtinam, qui publicas personas gerunt, si non omnia, quae scripta sunt, saltem partem constanter custodirent, et pro tranquillitate et salute populorum, qui commissi sunt, diligenter exercerent! Restat, vt magistratum veterum genera subiectamus. Sed prius operae pretium visum est, pauca cognitu dignissima de senatoribus, a certissimis excerpta auctoribus, praescribere: Senatores centum primus Romulus creauit, qui patres ab honore et eorum progenies patricii dicti sunt. Sunt, qui senatorum adpellationem a senectute emanasse dicunt, patresque teste PLVTARCHO^{a)} vocatos esse, quod liberorum patres essent; aut quod, qui non haberent, eos possent tamquam suos patres demonstrare; vel quod ipsi reliquae multitudini patroni, id est, defensores esse deberent. Quidam patres a Patroo^{b)} Arcade, qui stu-

^{a)} vit. Romul. tom. I. operum, p. 24. ^{b)} PLVTARCHVS loc. excit. ad diosus vnuam hunc, qui Euandrum sequuntur esse, fertur, non Patroum; sed Πάτρων, Patronem, adpellat.

D

diosus fuit plebis inopiae subueniendi, adpellatos tradunt; alii ab auctoritate; alii a nobilitate; nonnulli a mansuetudine; siue ab aetate; DIONYSIVS *Halicarnassensis*^{c)} autem scribit, non posse satis adfirmari: an senatores propter senectutem, an propter virtutem hoc cognomen habuerint, quod et seniores, et optimos solebant prisci *senes* adpellare. Erant autem patres procul ab inuidia et arrogancia plebis, defensores et patroni instituti, iidemque principes ciuitatis dicti. Centum autem duxerat patres primo delegit Romulus, siue quia is numerus satis erat; siue quia soli centum erant, qui creari patres possent.^{d)} Verum post idem foedus cum Tatio, duplicita ciuitate, centum alii ex Sabinis senatoribus additi sunt.^{e)} Consilium vero Romulo de creandis senatoribus fuit, ut illis urbana negotia permitteret, quum ipse exercitum extra fines educeret. Constituit autem Romulus senatum hac ratione: tribuum vnicuique edixit, erant autem tribus tres Romuli tempore, ut trinos viros deligeret, qui prudentissima aera et generis nobilitate excellerent; post hos autem nouem viros. Etiam curiis singulis imperauit, trinos ex patribus deligere, posteaque nouem primis, a tribubus electis, addens nonaginta, quos curiae triginta suffragiis praetulerant, eoque, quem ipse elegerat, duce addito, centum consiliorum numerum expleuit.^{f)} Consilium autem hoc, ut DIONYSIVS^{g)} tradit, Si Graece interpretari velis significat *yegozicav*, id est senatum; atque ita a Romanis adpellatum est. Senatoribus autem Romulus honorem potestatemque talem adtribuit, ut de omni re, quae spectaret ad regnum, cognoscerent, atque suffragium ferrent, et, quod visum maiori parti esset, id vinceret; quod ex Laconibus Romulus transtulit, neque enim domini erant Lacedaemoniorum reges, agendi, quidquid vellent; sed publicae administrationis omnis potestas penes senatum erat.^{h)} Postea vero senatui, a Romulo constituto, Tarquinius Priscus centum item senatoribus addidit,ⁱ⁾ qui perfectae in bello virtutis, et in pace prudentiae erant. Ita trecentorum senatorum numerus exstitit; verum, quos Tarquinius Priscus legit; minorum gentium adpellati sunt. Pulsis autem regibus, quum esset imminentus senatus: Brutus consul,^{k)} primoribus equestris gradus in patres lectis, trecentorum summam expleuit.^{l)} Omnes autem, praeter

c) antiquit. Rom. libr. II. p. 86.

Adde FLORVM libr. I. cap. I. §. 15.

LIVIVM libr. I. cap. 8.

d) vid. LIVIVM libr. I. cap. 8.

e) conf. DIONYSIVS *Halicarnassensis*, libr. II. p. 3.

f) ita DIONYSIVS loc. excit. p. 86.

g) loco excitato.

h) vid. eundem, p. 87.

i) apud LIVIVM libr. I. cap. 35.

k) ut alii volunt, P. Valerius Po-

plicola.

l) vid. DIONYSIVM *Halicarnass.*

rer eos, qui a Romulo et Tarquinio lecti sunt, patres conscripti dicti sunt;^{m)} lectos vero senatores a Romulo *maiorum gentium*; quos autem Brutus legit, *minorum gentium* fuisse adpellatos, scribit TACITVSⁿ⁾ Adsciti in patres et aduenae, vt ex Regillo Claudi, ex Tusculo Porci, ex Alba Iulii, e Camerio Coruncanii: itemque ab Etruria et Lucania post auctum imperium, quoniam numquam peregrinae virtuti romana dignitas clausa fuit. Lecti in patres Balbi ex Gadibus Hispaniae, Cornelii ex Gallia; denique ex omnibus gentibus viri singulares in nomen romanum coaluerunt.^{o)} Diuus Augustus plerosque in patres legit, et post eum Diuus Claudius atque alii Augusti elegerunt, et prius dictator Caesar lege Cassia senatores legit.^{p)} TACITVS^{q)} scribit, Aeduos ex Gallia primos in urbe senatorum ius adeptos, datumque id foederi antiquo, qui soli Gallorum fraternitatis nomen cum populo romano usurpant. Tandem Diuus Constantinus, quoniam patres erant exhausti, pace et bello claros, tantummodo vnde coadunatos, legit in patres. Ex senatoribus pedarii dicebantur, qui nondum maioribus honoribus funeti, non curru; sed pedibus ibant in curiam; qui vero curulem magistratum gessissent, supra sellam in curru confidebant, quum in senatum vobebantur: vnde sella curulis dicta; licet aliqui a curuitate pedum illam adpellari velint. Senatores, qui in postremis scripti erant, non rogabantur sententias; sed quas principes dixerant, in eas descendebant.

D 2

Inde

m) Cuius adpellationis originem nonnulli ad Iunium Brutum transfrunt, quod is, senatu pulsis regibus imminuto, praecipuos ex equestri ordine inter patres conscriperat, hacque cooptatione senatum suppleuerat.

n) libr. XI. annal. cap. 25. Si TACITI verba cum LIVIO libr. I. cap. 35. comparamus, adparet, iam a Tarquinio Prisco lectos nouos centum senatores minorum gentium, vt illos a Romulo constitutos, maiorum gentium esse adpellatos, nisi quod dicere velimus, nouis senatoribus a Bruto adlectis, illos, quos Tarquinius Priscus addidit, itidem tractu temporis maiorum gentium dictos, adpellationemque minorum gentium iis tantummodo, quibus Brutus se-

natum suppleuit, eo aeuo relictam fuisse.

o) vid. TACITVM libr. XI. annal. cap. 24.

p) Id quod sub imperatoribus per triumviro senatui legendo factum, vt ex SVETONIO vit. Aug. cap. XXXVII. patet. Legebatur senatus primis temporibus a regibus, hisque expulsis, a consilibus; vt ex DIONYSIO *Halicarnassensi* libr. II. p. 85. et LIVIO libr. I. cap. 8. patet. Anno urbis conditae CCCX. munus hoc, senatores legendi censoribus commissum est, vt satis constat. Triumviri itaque legendo senatui succensores quasi erant, vt obseruat TORRENTIVS not. ad excit. SVETONII locum.

q) libr. excit. cap. XXV.

XXVIII DE MAGISTRATIBVS

Inde dictum est: *caput sine lingua pedaria sententia est.* Quum vero senatores vniuersi sententiam pedibus ferebant, *discessio* dicebatur. Sed, his paucis de senatoribus congestis, quod ab re alienum visum non est, iam magistratum genera exsequi, tempus admonet, sumeturque initium a consulatu, quod is magistratus dignitate caeteros praestabat; non autem quod vetustate praeferrri debeat.¹⁾

CAPUT II DE CONSULIBVS

CONSULES auctore POMPONIO, iuris consulto, dicti sunt, quod plurimum rei publicae consulerent; ²⁾ consulere autem prouidere est; PLVTARCHVS³⁾ tamen a Conso, secretorum deo⁴⁾ adpellatos, scribit. VARRO⁵⁾ consules dici voluit, quod consulerent populum et senatum. ACCIVS⁶⁾ tamen ait: *qui recte consulat, consul fiat.* QVINCTILIANVS,⁷⁾ consules a consulendo; vel iudicando dictos tradit. Nam et hoc *consulere* veteres vocauerunt: vnde adhuc remanet illud: *rogat, boni consulas,* id est, bonum iudices. Ideo autem bini consules annuisque eorum magistratus constitutus est, ne, si vnuis; quum in eo summa esset potestas,

in

- r) Quae hic sequuntur, a nostro auctore ad codicis marginem scripta erant. *Quid sit magistratus, operae pretium, ostendere, videtur.* Magistratus dignitas dicitur; verum magistratus aut personam ipsam demonstrat, vt, quum dicimus: *magistratus iussit;* aut honorem, vt, si dicamus: *Caesari datus est magistratus.* VLPIANVS digestis secundo, inquit, magistratus est vel is, qui in potestate aliqua sit, vt puta proconsul; vel praetor; vel qui prouincias regunt. Omnino ii dicuntur esse in magistratu, qui per imperia potentiores sunt, quam priuati. Magistrare enim regere et moderari significat. Sunt, qui scribunt, magistratum per derivationem a magistro adpellari; magister autem, vt vult PAVLLVS de verbis. *significatione, is dicitur, cui praeципue cura rerum incumbit, et qui magis; quam ceteri di-*
- ligentiam et sollicitudinem rebus, quibus praefest, debet. TACITVS libr. XII. annal. cap. 64. inter magistratus tantum recentis quaesturam, aedilitatem, tribunatum, praeturam, consulatum.
- s) leg. II. §. 16. π. de orig. iur. Add FLORVM libr. I. cap. 9. §. 3. et ISIDORVM orig. libr. VIII. cap. 3. p. 1045 auctyr. lat. linguae, ed. GOTHOFREDI.
- t) vir. Romul. tom. I. oper. p. 25.
- u) vid. GISB. CUPERVM Harpocrat. p. 27. et MARC. ZVERIVM BOXHORNIVM quaeſt. Rom. XXXX. tom. V. theſ. ant. Rom. GRAEVII, p. 967,
- x) de lingv. lat. libr. IIII. cap. 14. p. 15. auctyr. lat. ling. ed. GOTHOFREDI.
- y) apud VARRONEM loc. excit. z) libr. I. institut. orator. cap. 6.

ROMANORVM VETERVM XXVIII

in superbiam dominationemque se conuerteret; neve diuturniori imperio insolecerent, id est, ne mora; aut solitudine talis magistratus corrumperetur; ^{a)} dicerentur vero consules Graece, vt vult DIONYSIVS, συμβέλοις siue προβέλοις, quod συμβέλην Graeci, Romani consilium vocent. Τπατοι etiam alioquin nominati sunt a Graecis, ob magnitudinem potestatis, quod et omnibus imperarent, et supremam dignitatem haberent. ^{b)} Consulibus enim reliqui omnes magistratus parebant, excepto tribuno plebis. Tribunitia enim dignitate consulari ius imminutum est, cessisque grauitas optimatum, et inualuit multitudinis. Primi consules fuerunt L. Tarquinius Collatinus et L. Iun. Brutus, quorum annus quinque consules habuit. In locum enim Tarquinii Collatini, quem, exhonoratum, Brutus collega eiecit, P. Valerius suffectus est. ^{c)} Deinde, quum Brutus in bello mutuis cum hoste vulneribus cecidisset, in eius locum Sp. Lucretium subrogauerunt, ^{d)} qui morbo, antequam idem annus terminaretur, absuntus est, in cuius locum Marcum Horatium Puluillum suffecerunt. ^{e)} Viginti quinque consules in unum annum suisse traduntur, Commido imperante. Consul maior natu diu primum locum vendicauit, qui honor a P. Valerio in Lucretium, Lucretiae patrem, in Bruti locum suffectum, primum obseruatus est. Nam Valerius ei quod grandior annis esset, primo loco cedens, fasces tradidit; postea vero diu talis honoris obseruatio permanit. Sed, postquam s̄oboles necessaria ciuitati visa est, ad prolem populi frequentandam prae-miis atque inuitamentis vſus fuit, tum antelati quibusdam in rebus, qui vxores quique filios haberent, senioribus, neque uxores; neque liberos habentibus. Sic capite septimo legis Iuliae priori, ex consulibus fasces sumendi, potestas siebat non, qui plures annos natus esset; sed, qui plures liberos; quam collega in potestate, haberet; aut bello amississet. Sed si par utriusque numerus liberorum esset, maritus; aut qui in maritorum numero fuisset, praeferebatur. Si vero ambo et mariti; et patres totidem liberorum essent, tum ille pristinus honor instaurabatur. ^{f)} Confulum alterum duodecim secures praecedebant; alterum vero duodecim ministri, virgarum tantum habentes fasces; factis tamen vicibus, singulis mensibus securibus potiebantur. ^{g)} Julius autem Caesar antiquum referens

D 3 morem,

- a) vid. FLORVM libr. I. cap. 9. §. 2.
- b) conf. CICERO orat. pro Sext. cap. XXX.
- c) vid. LIVIVM libr. II. cap. 2. et DIONYSIVM Halicarnassensem
- d) leg. LIVIVM libr. II. cap. 8.
- e) ibid.
- f) verba haec sunt GELLII libr. II.
- g) vid. DIONYSIVM Halicarnassensem libr. V. p. 287. sq.

morem, instituit, vt, quo mense fasces consul non haberet, accensus ante eum iret, lictor pone sequeretur.^{h)} Factum est autem, ne vterque consul eodem tempore secures haberet, ne viderentur pro uno rege duo facti, quod metum ciuibus auxisset.ⁱ⁾ P. autem Valerius, Brutus collega constituit, vt, quum extra urbem essent consules, securibus vterentur; in urbe vero tantum fascibus virgarum ornarentur.^{k)} Ceterum idem L. Valerius Publicola consulum secures a baculis seiuinxit, submissisque populo fascibus, in concionem processit,^{l)} idque a consulibus postea obseruatum, ad PLVTARCHI^{m)} memoriam peruenit. Verum virgarum fasces, cum securibus adligati, praeferebantur, vt ostenderetur, non oportere magistratus iracundiam promtam esse ac dissolutam, nam virgarum dissolutio mora et tarditate iram frangebat et imperium moderabatur. Sed quoniam malitia partium medicabilis est, partim curari non potest, virgæ, quod mutari poterat, corrigebant; secures vero, quod emendari non poterat, abscondebant. A consulibus ad populum prouocationem reis esse, Publicola constituit.ⁿ⁾ Sed ceteri quoque magistratus, in quorum manu imperium erat, vt praetorum, censorum, qui maiores magistratus dicebantur, quique comitiis centuriatis siebant, vt minores curiatis, vocationem habebant. Consules reficiendi quos et quoties vellet, populo ius erat, quoad bellum in Italia esset. Postquam Flaminius, ter consul, ad Transimenum cecidit, consul alter ex plebe primus factus L. Sextius^{o)} Furio Camillo quintum dictatore, qui in agro Albano Gallos iterum fudit fugauitque; DIONYSIVS tamen tradit, ex plebis beneuolis^{p)} primum C. Iulium, secundo deinde anno Sp. Furium^{q)} ex plebeiis consulem factum, cum Cæsone Fabio iterum. Consules designati gratias de more populo agebant;^{r)} Paullus vero Aemilius consulatu, quo bellum aduersus Perseum gessit, populo gratias non

h) vid. SVETONIVM vit. caesar. cap. XX.

i) id testatur DIONYSIVS Halicarnassensis loc. excit. p. 278.

k) conf. LIVIVM libr. XXIII. cap. 9. libr. X. cap. 59.

l) vid. eudem libr. II. cap. 7.

m) vit. Poplicolae tom. I. operum, p. 102.

n) conf. LIVIVS libr. II. cap. 8. DIONYSIVS Halicarnassensis. libr. V. p. 292. edit. sylburg. VALERIVS MAXIMVS libr. III. cap. I.

o) teste LIVIO libr. VI. cap. 42. Factum id anno V. C. CCCLXXXVII.

p) DIONYSIVS Halicarnassensis libr. VIII. p. 557. non dicit C. Iulium plebeium fuisse; sed φιλοδημοτικὸν, qui ex patriciis plebi prae certe rī fauebat, eiusque gratiam sibi conciliare studebat.

q) libr. VIII. p. 559. ubi vero Sp. Furius non ex plebe; sed a plebe consul factus dicitur.

r) vid. OVIDIVM ex Pont. libr. III. eleg. 4. v. 35.

non egit, quod causa populi esset creatus.^{s)} Consulatum praeter legem adhuc adolescentes adepti sunt, Coruinus, Scipio vterque, Pompeius magnus, Dolabella, Caesar, Augustus.^{t)} Quum ante tricesimum annum consulatum gerere non licet,^{u)} consulatu, non expleto anno, quum adhuc duo menses ad tempus annum restarent, Marcus Fabius se abdicavit, posteaquam a viuis Etruscis rediit, vasto vulnere laborans, lectuloque relatus. Consul primus exterritorum atque etiam in oceano genitorum Balbus Cornelius factus est, et quidem maior consul, quem honorem maiores Latio quoque negauerunt. Consul uno die tantum fuit Caninius Retitus C. Caesare dictatore: quare urbane dictum est a CICERO: ^{v)} vigilantem habuimus consulem Caninum, qui in consulatu suo somnum non vidit. Hunc MACROBIUS^{w)} Caninum Reuilm^{x)} non Retitum adpellat. C. item Seruilius uno tantum die consul fuit: quare Votacilius Pytholaus dixit: ante Flamines: nunc consules diales fiunt. Vitellii quoque tempore Rossius Regulus uno die tantum consulatum finiuit. Consul alter senatum conuocare non poterat. Quum aliqua res ad senatum referebatur, consules, qui praefidebant, primum designatos consules super ea re sententiam rogabant.^{y)} Ordo autem rogandi sententias in senatu varius fuit. Alias primus rogabatur is, qui a censoribus princeps senatus electus fuisset;^{b)} alias, qui designati consules erant; aliquando consules, studio; vel necessitudine duci, extra ordinem, quem volebant, primum rogabant.^{c)}

CAPVT

s) narrat id fuse PLVTARCHVS vit. L. Paulli Aemilii, tom. I. operum, p. 260.

t) Inde post hoc aeum in fastis et legum subscriptionibus passim occurrit: CONSVLE, NOBILISSIMO PVERO. Conf. IAC. GVTHERIVM de offic. dom. Aug. libr. I. cap. 12. et NORISIVM cenotaph. Pisan. diff. II. cap. 2.

u) ex CICERO Philipp. V. cap. 17. colligitur, fuisse annum tertium et quadrageimum consulatu fuscipiendo destinatum. Quid Macedo, inquit, Alexander, nonne tertio et trigesimo anno mortem obiit, quae est aetas nostris legibus decem annis minor; quam consularis.

x) libr. VII. ep. 30. ad familiar. §. 5.

y) libr. II. cap. 2. saturn.

z) seu, vt in aliis editionibus est: Reuilm, Rebilm. Eius mentionem quoque faciunt CAESAR de bell. Gall. libr. VII. cap. 83. libr. I. de bell. ciuil. cap. 26.

a) vid. GELLIVM libr. IIII. cap. 10. id quod et praeter CICERO- NEM libr. VIII. ep. 4. ad famil. ex TACITO de Druso et ex SALLV- STIO de Syllano consulibus liquet.

b) conf. GELLIVM loc. excit. et libr. XIII. cap. 7.

c) vid. LIVIVM libr. V. cap. 20. SVETONIVM vit. Caes. cap. XXI. et vit. Aug. cap. XXXV.

CAPUT III
DE DICTATORE

DICTATOR quia *diktus* esset, appellatus est, quoniam, quum a populo; aut senatu deligi non posset, alter consul; aut imperator, progressus ad populum, quem censeret, dictatorem, dicebat. Alii dictatorem appellari tradiderunt, quod non populi suffragio; aut ad sensu; verum; quod is censeret, imperaret: siquidem iussa magistratum *ἐπιτάγματα* Graeci, Romani *edita* vocant.^{a)} MARCVS autem VARRO^{e)} dictatorem appellari scribit, quod a consule *dicebatur*, cuius dicto audientes omnes essent. DIONYSIVS^{f)} vero vult, dictatorem dici siue propter potestatem iubendi dictandique, quid vellet; siue propter eam, quae tunc siebat, dictionem: quandoquidem non a populo magistratum inuentum more patrio dictator habiturus erat; sed ab uno viro dictus. Hunc magistratum Romanos a Graecis accepisse, idem DIONYSIVS^{g)} scribit, qui, tyrannicas potestates nominibus decentioribus velare soliti, alii, ut Thessali *ἀρχεῖς*, alii, ut Lacedaemonii *ἀρχοῦσις* dictatores appellabant. LICINIVS vero,^{h)} dictatorem ab Albanis Romanos accepisse, tradit, quod illi primi post Amulii Numitorisque mortem, deficiente regia cognatione, annuos creauere magistratus, potestatem habentes eamdem, quam reges antea, vocaueruntque eos *dictatores*. Dictatoris creandi mentio, ut vult LIVIVS,ⁱ⁾ primum Romae orta est, quo tempore per ludos a Sabinorum iuuentute per lasciviam scorta rapta sunt, et, concursu hominum facto, rixa ac prope praelium fuit, paruoque initio ad rebellionem spectare res videbatur. Supra belli latini metum id quoque accesserat, quod triginta iam coniurasse populos, concitante Octavio Manilio, satis constabat. Sed nec quibus factus consulibus; nec quis primus dictator sit creatus, satis constat Liuius; se tamen apud veterrimos auctores, Titum Largium Flauum^{k)} primum dictatorem; Sp. Cassium, magistrum equitum crearum inuenisse, adserit,^{l)} legemque fuisse, ut consularis dictator legetur.

d) vid. DIONYSIVM Halicarnassensem libr. V. p. 336.

e) libr. III. de ling. lat. cap. 14. p. 15. auctor. lat. lingu. GOTHOFREDI.

f) loc. excitato.

g) Ibid. p. 337.

h) ut itidem DIONYSIVS Halicarnassensis obseruat.

i) libr. II. cap. 18.

k) Auctor noster hunc dictatorem vocat *Largium*, DIONYSIVM Halicarnassensem sequutus apud quem libr. V. p. 325. sq. est *Λαρπός* LIVIVS loc. excitato habet: *Lartius*.

l) loc. excitato.

retur. Eo magis adducitur LIVIVS, ut credat, Largium, qui consularis erat, potius; quam Manium Valerium M. filium, Volesi nepotem, qui nondum consul fuerat, moderatorem et magistrum consulibus adpositum, quia, si maxime ex ea familia dictatorem legi voluissent, patrem multo potius, M. Valerium, specatae virtutis consularem virum, legissent.^{m)} DIONYSIVSⁿ⁾ quoque Titum Largium primum dictatorem fuisse, adserit. Numquam vero dictator, nisi in periculisissimis rei publicae casibus,^{o)} creari solebat, ac sex mensibus dictatura terminabatur;^{p)} Camillo tamen in annum prorogata est.^{q)} Nec licet dictatori, ut equo, quaedam enim vetus lex prohibuit, siue quod maiores vires inesse, ac pedes manusque conserere arbitrarentur, et praeter hoc imperatorem, in phalange esse, oportet; nec locum deferere; siue quoniam ad alia omnia tyrannica magnaque esset principatus illius potentia, ut in hoc adpareret, dictatorem, nolente populo, indigere.^{r)} Fabius tamen maximus, creatus dictator contra Hannibalem, a senatu petiit, ut sibi, dictatori, ut equo liceret, quod concessum est.^{s)} Dictatoris potestate in consulatu primus Opimius functus est. Minutius pari auctoritate cum dictatore Fabio imperium egit, quod Romae antea nulli contigerat. Deinde post Cannensem cladem hoc iterum actum. Nam, quum in castris praeset dictator Marcus Iunius,^{t)} et in urbe opus esset, ordinem senatorium repleri, quod multi

m) M. Valerium tamen primum dictatorem fuisse, FESTVS scribit, de verbis. signif. p. 348. auctor. lat. lingu. GOTHOFRIDI. Adde STEPH. VINAND. PIGHIVM annal. ad ann. V. C. CCLIII.

n) libr. V. p. 336. ut tamen primi dictatoris creatio non, ut apud LIVIVM ad. ann. V. C. CCLIII. sed ad annum CCLVI. refertur.

o) Exempla vide apud LIVIVM libr. III. cap. 26. libr. VII. cap. 9. Postea et ob alias causas dictator dictus fuit, nimis comitiorum habendorum, causa, apud LIVIVM libr. VIII. cap. 23. libr. VIII. cap. 7.

item: ut senatus legeretur, teste eodem libr. XXIII. cap. 22. ut quaestio institueretur, libr. VIII. cap. 26. ludi instaurarentur, libr. VIII. cap. 40. et propter clauum figendum libr.

VII. cap. 3. libr. VIII. cap. 18. p) vid. DIONYSIVM Halicarnassensem loc. excit. et CICERONEM de legib. libr. III. cap. 3.

q) apud LIVIVM libr. VI. cap. 1. Prorogata quoque dictatura Papirio Cursori, in summa reipublicae necessitate. Conf. PIGHIVM annal. ad ann. V. C. CCCCXXVIII.

r) Caussas, quare dictatori equum ascendere haud licitum fuerit, indicat PLVTARCHVS vit. Fab. Maximi, p. 175.

s) vid. PLVTARCHVM loc. excit. et quae de M. Junio Perru tradit LIVIVS libr. XXIII. cap. 14. Ex hoc discimus, dictatorem ad populum ferre debuisse, ut equo ut ipse literet.

t) vid. LIVIVM libr. XXII. cap. 57. et 59. libr. XXIII. cap. 32

in bello senatores ceciderant: alterum dictatorem creauerunt Fabium Buteonem.^{u)} Hie posteaquam ad bellum exiuit, numerum hominum recensuit, ac senatores in demortuorum locum suffecit, eodemque die licetores dimittens, se inter turbam admisicuit et ad negotia peragenda cum suis dispensatoribus, ut priuatus in forum se contulit. **LIVIVS^{x)}** vult, hunc Fabium Buteonem sine magistro equitum dictatorem dictum, ad legendum senatum, a C. Terentio, qui ad id ex Apulia, reliquo ibi praesidio, accitus est. Leatis autem centum septuaginta septem senatoribus, cum ingenti adprobatione omnium extemplo se magistratu abdicasse. Hortensius, quo tempore plebs in Ianiculum secessit, dictator factus, plebe reuocata, in eodem magistratu expirauit,^{y)} quod nulli dictatori antea contigerat. Dictator ex plebe primus fuit C. Marcius Rutilius,^{z)} et eius magister equitum ex plebe primus Plautinus. A dictatore nulla erat prouocatio;^{a)} neque ullum usquam, nisi in cura parenti, auxilium; nec poterat dictator extra agrum romanum dici.^{b)} Ager autem romanus Italia terminabatur. Silentio vero noctis^{c)} dictator dicebatur. Dictatorem Quintum Fabium Maximum populus creauit,^{d)} quod ad eam diem numquam factum fuerat. **EUTROPIVS,^{e)}** dictatorem creatum, adserit nono anno post exactos reges, quum gener Tarquinii, ad iniuriam socii vindicandam, ingentem collegisset exercitum.

CAPVT IIII DE MAGISTRO EQVITVM

MAGISTER equitum primus fuit Sp. Cassius,^{f)} Largio primo dictatore. Dictator enim sine magistro equitum non creabatur,^{g)} apud quem eo officio magister equitum fungebatur, quo Tribuni cele-

rum
^{u)} apud **LIVIVM** libr. XXIII. cap. 22.

^{x)} loc. excitato.

^{y)} vid. **LIVIVM** epit. XI.

^{z)} conf. **LIVIVM**, libr. VII. cap. 17. factum id anno V. C. CCCLXXXVII.

^{a)} leg. eundem, libr. II. cap. 29. Id tamen postea abrogatum est, libr.

^{III. cap. 54.}

^{b)} testatur id idem scriptor libr. VIII. cap. 23. libr. XXVII. cap. 5.

^{c)} ibid. libr. VIII. cap. 38.

^{d)} Creabatur Q. Fabius Maximus Verrucosus *prodicato* a populo anno V. C. DXXXVI. Vid. **LIVIVM** libr. XXIII. cap. 8. Aliquando etiam

populus significabat, quem dictatorem a consule dici vellet, id quod A. Fulvii Flacci exemplo constat. Conf. **LIVIVM** libr. XXV. cap. 5.

^{e)} libr. I. cap. II. §. 1.

^{f)} ann. V. C. CCLIII. vt. est apud **LIVIVM**, libr. II. cap. 18.

^{g)} vid. **LIVIVM** libr. IIII. cap. 26.

rum apud reges, et demum praefectus praetorio apud imperatores. Magistri equitum potestati ita omnes subiectabantur, milites,^{h)} ut populus dictatori. Primus magister equitum ex plebe C. Plautius fuit.ⁱ⁾ Sine magistro equitum Fabius Buteo dictator factus est.^{k)} Dictus est magister equitum, ut vult **VARRO**,^{l)} quod summa potestas eius in equites et accensos erat.

CAPVT V DE PRAETORE

PRAETOR appellatus est, quod praeficeret in iure et exercitu. Praetor autem tunc Romae creari coepit, quum consules, belli causa, extra urbem euocarentur; nec esset, qui in cimitate ius dicere posset.^{m)} Hie primo *urbanus* appellatus est, eo, quod in urbe ius redderet. Post aliquot vero annos, non sufficiente uno praetore, quod multa turba etiam peregrinorum in urbem conueniret, creatus est alter praetor,ⁿ⁾ qui *peregrinus* appellatus est, quod plerumque inter peregrinos ius diceret. Capta deinde Sardinia, et mox Sicilia, et Hispania, ac Narbonensis provincia, totidem praetores, quot prouinciae in ditionem venerant, creati sunt, partim, qui *urbanis* rebus; partim, qui *prouincialibus* praefessent.^{o)} Deinde Sulla quatuor praetores adiecit,^{p)} qui de quaestionibus publicis, a se constitutis, veluti de falso: de parricidio: de fisciariis, iudicarent. Deinde C. Caesar item duos addidit. Ita duodecim

E 2

praef-

^{h)} conf. **LIVIVM** libr. III. cap.

27. et **VARRONEM** de lingua lat. libr. IIII. cap. 14.

ⁱ⁾ apud **LIVIVM** libr. VII. cap. 17.

^{k)} Id. libr. XXIII. cap. 23.

^{l)} loc. excit.

^{m)} ad hanc praetoris creandi causam accedebat alia, quam **LIVIVS** libr. VII. cap. I. significat, nimurum, ut patriciis solarium esset propter concessum plebi alterum consulatum.

ⁿ⁾ Anno V. C. DX. vid. **LIVIVM** epit. XVIII. et I. 2. π. §. 28. de orig. iur.

^{o)} leg. II. π. §. 32. de orig. iur. et **LIVIVM** epit. XX. Praetores hi quoad prouincias Sardiniam et Siciliam ao. V. C. DXXVI. quoad His-

panias ao. DLVI. creati sunt. De

lege Bebia, ao. V. C. DLXI. lata, qua constitutum fuit, ut alternis anni quatuor duntaxat praetores crea-

rentur, duo in urbe, reliqui duo propter prouincias, videndus est

LIVIVS libr. XXX. cap. 44.

Ann. DCVI. quaestiones perpetuae, quum instituerentur, sanctum est, ut quatuor hi praetores in urbe manerent ac ius dicerent, finitoque magistratus sui anno in prouincias proficerentur.

^{p)} alii duos tantum praetores a Sulla additos esse, dicunt; nec defunt, qui iam Sulla temporibus decem praetores existisse volunt. I. II. π. §. 32. de orig. iur.

XXXVI DE MAGISTRATIBVS

praetores creati sunt.^{q)} Diuus deinde Augustus XVI. praetores constituit, quibus Diuus Claudio duos adiecit, qui de fidei commissionibus ius dicerent,^{r)} e quibus vnum Titus, imperator, detraxit; Diuus vero Nerua vnum adiecit, qui inter fiscum et priuatos ius diceret.^{s)} Ita decem et octo praetores in ciuitate ius dicebant, qui quotiens proficisebantr, relinquebatur vnum, qui ius diceret, in vrbe, qui *praefectus urbis* vocabatur. Habebat praetor lictores et fasces more consulari; in hoc autem differebat, quod praetorem sex lictores cum fascibus praecebat; consulem vero duodecim.^{t)} Iisdemque auspicis, quibus consules, praetor creabatur: vnde, si quis minor dignitate praetorem vidisset, equo desiliebat, honoris causa, caputque adaperiebat, et semita cedebat. Praetorem etiam veteres omnem magistratum adpellauere, cui pareret exercitus: vnde *praetorium tabernaculum* eius, et *porta praetoria*, et *praefectus practorio*. Obtinebat praetor secundum locum post consules, quorum etiam *collega* dicebatur. Praetores ex editis suis perpetuis, lege Cornelia, ius dicere coeperunt; eorum vero comitia arbitrio senatus haberi solita sunt. Quoniam acriori ambitu exarserant, Nero composuit, tres, qui supra numerum petebant, legioni praeficiendo. Praetor primus ex plebe Philo^{u)} factus est, C. Sulpitio et P. Aelio consulibus.

CAP V T VI
DE TRIBVNIS PLEBIS

TRIBVNI plebis creari coepi sunt sexto decimo anno post exactos reges, ut scribit EUTROPIVS.^{v)} POMPONIVS tamen, Iure consultus, ait, fuisse anno fere decimo septimo post reconciliatam plebem patribus, quae propter graues nexus, duce Sicinio, in montem sacrum trans Antenem, tribus ab vrbe millibus passuum distantem, a patribus secessit, licet Piso secessionem factam velit in Auentinum.^{w)} Est autem reconciliata plebs patribus per Menenium Agrippam. Hie

q) paullo post etiam quatuordecim ac deinde sexdecim. Conf. LI-PSIVM de magistrat. pop. Rom. cap. X.

r) I. II. n. 32. de orig. iur.

s) Ibid. Lapso deinde imperio, imminutus quoque sensim fuit praetorum numerus, adeo; ut Valentinianni et Marciani temporibus tres dunataxat essent. I. II. cod. de offic. praet.

t) vid. VALERIVS MAXIMVS libr. I. cap. I.

u) Q. Publilius Philo, a.o. V. c. CCCXVII. vid. LIVIVM libr. VIII. cap. 15.

x) libr. I. cap. 12.

y) vid. LIVIVM libr. II. cap. 32. CICERONEM pro Cornel. cap. I.

ROMANORVM VETERVM. XXXVII

et facundia praestabat; et plebi quod inde oriundus erat, carus intromissus in castra prisco illo dicendi horrido modo nihil aliud; quam hoc narrasse fertur:^{z)} tempore, quo in homine, non, ut nunc, omnia in vnum consentiebant; sed singulis membris suum cuique consilium, suus sermo fuerat, indignatas reliquas partes, sua cura, suo labore ac ministerio ventri omnia quaeri: ventrem, in medio quietum, nihil aliud; quam datis voluptatibus frui. Conspirasse inde, ne manus ad os cibum ferrent; nec opus acciperent datum;^{a)} nec dentes conficerent. Hac ira dum ventrem fame domare vellent, ipsa una membra totumque corpus ad extremam tabem venisse. Inde adparuisse, ventris quoque haud segne ministerium esse; nec magis ali; quam alere eum reddentem in omnes corporis partes hunc, quo viuimus vigemusque, diuisum pariter in venas maturum, confecto cibo, sanguinem. Hinc comparando, quod intestina corporis sedatio similis esset irae plebis in patres, flectit mentes hominum. Agi deinde de concordia coepit concessumque in conditiones, ut plebis sui magistratus essent sacrosanti, quibus auxilii latio aduersus consules esset; neu cui patrum capere eum magistratum liceret. Ita tribuni plebis creati duo, C. Licinius et L. Albinus. Hi tres collegas sibi creauerunt. In his Sicitium fuisse, tradunt, seditionis auctorem: de duobus, qui fuerint, minus conuenit.^{b)} PLVTARCHVS^{c)} quoque duos primo factos tribunos tradit, Iunium Brutum et Sicium Bellutum, quos secessionis duces plebs habuerat, cum quo CICERO,^{d)} TVDITANVS^{e)} et POMPONIVS ATTICVS^{f)} conueniunt. Factum hoc autem Au. Verginio Tricosto et T. Veturio Ceturino consulibus, anno decimo septimo post exactos reges. Tribuni vero tribunitiis comitiis creari coepi sunt, Appio Claudio et Quintio consulibus.^{g)} Rogatio lata est a Volerone, tribuno plebis. Numero etiam tunc additi tres, perinde ac duo antea fuerint, ut PISO est auctor,^{h)} qui tribunus quoque nominat, S. Sicium, L. Numitorum, Marcum Duicilium, Sp. L. Mecilium; trigesimo vero Sexto anno a primis tribunis decem tribuni

E 3

creati

z) LIVIVS ibid.

a) Ita in manuscripto. In LI-VI editionibus legitur: nec os accipieret datum, et recte quidem.

e) apud ASCONIVM Pedian. not. ad memorat. Ciceronis orat. p. 968, ed. GRAEVII.

b) haec omnia ex LIVIO loc. ex- cit. ad verbum fere haustis noster auctor.

c) vit. C. Marc. Coriolani, tom. I. operum, p. 216.

d) fragm. orat. pro Cornel. tom. III. orat. eius, part. 2. p. 968. ed. GRAEVII.

g) vid. LIVIVM libr. II. cap. 56.

h) Ibid. cap. 58.

XXXVIII DE MAGISTRATIBVS

creati sunt, ⁱ⁾ bini ex singulis classibus, consuibus Q. Minutio et Caio Horatio Puluillo, a quibus cooptatum undecimum Minutum, postquam a patribus ad plebem transiisset, atque seditionem, motam ex Maeliana caede, sedasset, nonnulli sunt auctores; LIVIO ^{k)} tamen non videtur credibile, quod, tribunorum numerum augeri, patres suissent passi; idque potissimum exemplum a patrictio homine introduci: praeterea quod paucis ante annis lege cautum erat, ne tribunis collegam cooptare licet; fuisse vero uno eodemque tempore decem tribunos, aperit CICERO. ^{l)} Testem et leges in epitome LIVI. DIONYSIVS ^{m)} quinque fuisse primos tribunos aperit creatos, quum primum plebs patribus reconciliata est, diuisa plebe in phratrias, quas Romani curias dicunt. Nomina quoque tribunorum a DIONYSIO ponuntur L. Junius Brutus, C. Sicinius Bellutus, C. et P. Licinii. C. Iulius Riuganus. Creati sunt autem in annum quarto ante idus decembres, ut factum est deinde usque ad aetatem DIONYSII. ⁿ⁾ Bruto autem suadente tribunitiam potestatem sacrostanti, plebs legem sanxit, quae a Bruto et collegis ita scripta est: ^{o)} tribunum inuitum, tamquam unum e multis; nemo ullum cogito agere; neque verberato; neque alteri, ut verberet, imperato; neque occidito, neque occidi iubeto. Si quis autem prohibitorum horum aliquid fecerit, impius execrabilisque esto, bonaque eius publicato ad sacra Cereris, et qui aliquem haec agentium occiderit, caedis expiatus esto. Ac ne siat potestas deinceps populo, hanc legem abrogandi; sed in omne tempus reliquum immobilis permaneat, statutum est, Romanos omnes iurare per sacra ^{p)} hac lege ipsos et eorum posteros usuros esse perpetuo: precesque adiecerunt iuramento, stabilientibus legem ipsam deos esse propitos caelestes geniosque et manes; transgredientibus vero omnia aduersa fieri tamquam maxima pollutioni obnoxii. ^{q)} Ex hisque constitutus Romanis mos est, sacrosancta esse tribunorum corpora. ^{r)} Sicinius vero, tribunus plebis,

i) vid. LIVIVM libr. III. cap. 30.

k) libr. III. cap. 16.

l) orat. contra Vatinium cap. VII.

tom. III. part. I. eius orationum, p.

244. edit. GRAEVII.

m) libr. VI. p. 410. vid. FRID. SYLBVRGII notas ad hunc locum,

p. 46.

n) quod ibidem DIONYSIVS confirmat.

o) vid. DIONYSIVM Halicarnassensem loc. excit. Huc pertinent, 731.

quae BARNAB. BRISSONIVS de formul. libr. II. p. 155. ex LIVIO adnotauit.

p) apud DIONYSIVM καὶ ἡρῷον per sacra, haud definite, ut iis et ea, quae ad tribunos plebis spectabant, comprehendenderentur.

q) quae omnia DIONYSIVS Halicarnassensis, loco excitato narrat.

r) vid. LIVIVM libr. II. cap. 33.

et DIONYSIVM ibid. et p. 435.

ROMANORVM VETERVM. XXXVIII

plebis, legem hanc tulit: ^{s)} concionanti apud populum tribuno nemo aliquid in contrarium dicit; nec dicentem interpellato. Si quis autem praeter haec fecerit, dato petitus vades, tribunis persoluendi poenam, quamcumque ei imponant, et qui vadet non dederit, morte puniatur, bonaque eius sacra sunt. Contentionum autem de ipsis poenis iudicia penes populum erant. Tribunorum potestas nulla erat extra urbem; sed intra moenia tantum urbis circumscripta. ^{t)} Itaque, si quid consules sanxissent longius ab urbe milles passibus, prouocationem non habebant, atque si eo venissent tribuni in alia turba Quiritum, subiecti erant confulari imperio. Nec quidem una nocte abesse ab urbe tribunis licebat, ^{u)} nisi quum sacrificium Ioui perficiebant comites omnes magistratus urbis, pro Latinorum gente in Albanum montem adscendentibus, quae consuetudo ad DIONYSII aetatem permanebat; licebat tamen exire post noctem medianam et ante medium reuerti, servus in fine libri quinti Aeneid. Praeter vetera tamen instituta tribuni plebis duo cum praetore et decem legatis in Siciliam, ad cognoscendum de criminibus, Scipioni obiectis, missi sunt. ^{v)} Poterant autem Romae tribuni adpellari contra omnem potestatem, ^{y)} qui neque aduocabant patricios; neque ad eos referre de villa re poterant. Nec leges propriae; sed plebiscita tribunorum adpellabantur. ^{z)} Q. tamen Hortensius dictator legem tulit, ut patricii tribunorum rogationibus tenerentur. Voluit enim, ut eo iure, quod plebs statuisset, omnes Quirites tenerentur. ^{a)} Caeterum tribunis plebis ante plebiscitum Atinium, habendi senatus, ius erat, etiam si non essent senatori, ut tradit GELLIVS. ^{b)} Tribunitia comitia, ut scribit DIONYSIVS, ^{c)} ex suffragiis latione per curias quam lationem curiatam Romani vocabant, ad tribulem P. Volero traducere conatus est, id quod obtinere non potuit. Post tamen ex Voleronis sententia lata est lex, ab eoque tempore ad tribunorum aediliumque comiti-

s) apud DIONYSIVM Halicarnassensem, libr. VII. p. 431.

y) vid. DIONYSIVM Halicarnassensem, libr. XI. p. 687.

t) vid. GELLIVM libr. III. cap. 2. et DIONYSIVM Halicarnassensem, libr. VIII. p. 554.

z) vid. FESTVM, voc. scita plebis, p. 428. auctor. lat. lingu. GOTHOFREDI.

u) vid. GELLIVM libr. XIII. cap. 12. APPIANVM Alexandr. libr. II. de bell. civil. p. 447. et DIONYSIVM Halicarnassensem, loc. excit.

a) conf. LIVIVM epit. XI. GELLIVM libr. XV. cap. 27.

b) libr. XIII. cap. 8. adde GRONOVIVM not. ad hunc loc. et IVST. LIPSIVM libr. II. elector. cap. 13.

c) libr. VIII. p. 598. adde LIVIVM libr. II. cap. 56.

comitia sine auspiciis sineque omni religione^{d)} tulerunt tribules conciones suffragia. Harum vero latiorum haec erat differentia,^{e)} centurias enim suffragiorum latiores oportebat firmatas esse praecedentibus senatus consultis, multitudineque per curias ferente suffragia, et post utraque haec signis a numine et auguriis nihil aduersantibus; tribules autem latiores oportebat neque senatus consulto prius facto; neque sacris; neque auspiciis sancientibus perfectas una die tantum habere finem. Tribuni concessionis domini tantum erant; senatum autem conuocare; auctoritatem dicere; eis post illud Attini plebis ius non erat. Primus Icilius tribunus plebis senatum conuocauit, quum locum in Auentino obtinuit ad aedium constructionem plebi dari.^{f)} Tribunorum ministros et collegas et iudices duos viros plebeios quotannis creari a senatu plebi concessum est, qui subministrarent tribunis omnia, quorum indigerent, iudicarentque eas caussas, quas tribuni eis permetterent, ac sacerorum publicorumque locorum et affluentiae forensis curam haberent, qui ab officio eorum uno sacerorum locorum curatores vocati sunt. Compescere quidquam actum a tribunis; aut prohibere, nulli licebat,^{g)} praeterquam alteri tribuno, eratque tribunorum summum ius in prohibendo. Quare si unus, quod caeteri tribuni adprobassent, prohibuisset, ratum non erat.^{h)} Tribunitia potestas a decentiis plebi sublata est una cum prouocatione, quam post abdicatos decemuiros tribuni in Auentino redemerunt,ⁱ⁾ ubi pontifice comitia habente, creati sunt tribuni plebis primus omnium Aulus Virginius, inde Lucius Icilius et P. Numitorius, atunculus Virginiae, auctores secessionis, qui tribunos duos patritios et consulares praeter legem cooptauerunt, Sp. Tarpeium et A. Aterium,^{k)} Valerio et Horatio consulibus. Iterum a Sulla^{j)} tribunitiam potestatem ademam Pompeius^{m)} populo reddidit. Tribunitia auctoritas demum eo usque progressa est, ut nullum senatus consultum ratum esset, nisi tribuni illud adprobassent,ⁿ⁾ ac T. litteram in

d) conf. LIVIVS libr. III. cap. 6. VI. cap. 41.

e) ita differentiam hanc monstrat

DIONYSIUS Halicarnassensis, libr.

VIII. p. 593.

f) narrat id DIONYSIUS Halicarnassensis, libr. X. p. 657.

g) vid. DIONYSIUM Halicarnass

libr. VII. p. 431.

h) conf. IAN. GUILIELMVM de magistrat. pop. Rom. cap. XIII.

i) conf. LIVIVM libr. III. cap. 54. et adde DIONYSIUM Halicar-

nassensem, libr. XI. p. 726.

k) vid. LIVIVM libr. III. cap. 65.

l) leg. LIVII epitom. libr.

LXXXVIII.

m) vid. eundem, epit. LXXXVII.

n) et SALLUSTIUM de bell. civil.

cap. XXXI. VELLEIVM libr. II. cap.

30. CAESAREM libr. I. de bell. civil.

cap. 7.

tergo adposuissent,^{o)} stabantque tribuni in vestibulo curiae, vbi senatus habebatur. Ingredi enim templum, non licebat; quidquid vero senatores decreuissent, tribunorum animaduersioni subieebatur, vt, si ex re publica esset, adprobarent; si secus, reiicerent.^{p)} Tribuni, si PE-DIANO^{q)} credimus, dicti sunt, quia primo tres fuerunt; vel, vt alii volunt, quod tunc in tres partes populus diuisus erat, e quarum singulis singuli creabantur, vt scribit POMPONIUS, iure consultus; siue a tribuum suffragio, quae, auctore DIONYSIO^{r)} tunc quatuor fuere. VARRO^{s)} innuere videtur, tribunos plebeios dictos a tribunis militibus, ita enim ait: tribuni plebeii, qui ex tribunis militum primum tri-buni plebeii facti, qui plebem defenderent in secessione Crustumerina.

CAP VT VII

DE TRIBVNIS MILITARIBVS.

TRIBVN NI MILITARES dicti sunt, quod terni tribus tribubus, Tatensium, Ramnensium et Lucerum, olim ad exercitum mitabantur. Tatensium vero tribus a T. Tatio, duce Sabinorum, appellata est.^{t)} Ramnensium a Romulo est dicta,^{u)} Lucerum, nominis et originis caussam incertam esse scribit LIVIVS,^{v)} quamvis FESTVS^{w)} Luceres adserat appellatos a Lucero, Ardeae rege, qui Romulo, aduersus Tatium bellanti, auxilio fuit. VARRO^{x)} autem a Lucumonibus Luccares dictos, vult, quod quidam id vocabulum Thuscum existimauerint. Ferunt enim, Romulum, vt scribit SERVIVS,^{y)} dimicantem contra Tatium, a Lucumonibus auxilia postulasse, vnde quidam venit cum exercitu, cui post receptum T. Tatium pars urbis data est, a quo in urbe Thuscus vicus nomen accepit. Thuscia enim, vt idem scribit, duodecim Lucumones habuit, id est reges. PLVTARCHVS^{b)} vero a luco

afyli

o) teste VALERIO Maximo, libr.

II. cap. 2. §. 7.

p) vid. LIVIVM libr. VI. cap. 35.

q) ad Ciceronis orat. in Verrem

I. 13.

r) libr. II. p. 82. coll. libr. III.

p. 219.

s) p. 15. aucto. lat. ling. GO-

THOFREDI.

t) vid. VARRONEM p. II. aucto-

rum lat. ling. Gothofredi, et LI-

VIVM libr. X. cap. 6.

u) conf. VARRONEM loc. excit.

PLVTARCHVM vit. Romul. cap. 15.

et LIVIVM libr. I. cap. 13.

x) libr. I. cap. 13.

y) voc. Lucerenses, p. 322. ed.

GOTHOFREDI.

z) loc. excitat.

a) Idem ex antiquioribus confir-

mat DIONYSIUS Halicarnass. libr.

II. p. 104. sq.

b) vit. Romul. tom. I. oper.

p. 30.

F

asylī *Luceres* dictos putat, in quem multi fuga delati ciuitate donati sunt. Has tribus tres fuisse, nomen ipsum declarat, a quibus tribuni dicti sunt. Vnaquaque autem tribus decem continuit curias, vt scribit PLVTARCVS.^{c)} vnde origo fuit turmae, dictae, quod ter deni equites e tribus tribubus darentur, vt tradunt FESTVS^{d)} et VARRO.^{e)} Tribunorum autem militarium duo genera fuerunt, vt PEDIANVS^{f)} adserit, primum eorum, qui *Rufili*; siue *Rutilii*, quia Rufius Rutilus legem primo tulit de iure tribunorum, ab exercitu creandorum, dicebantur.^{g)} Et hi in exercitu creari solebant. Alii erant *comitiati*, qui Romae comitorum causa designabantur.^{h)} Erant tribuni militum totius exercitus defensores. Ne vis aliqua; vel seditio inter milites oriretur, ad horum curam pertinebat, vigilum stationem lustrare, in castris milites continere, et ad exercitationem producere, querelas commilitonum audire, rei frumentariae praesesse, et valetudinarios curare.ⁱ⁾ Tribuni militares consulari potestate creari coeperunt M. Genucio, P. Curatio^{k)} consulibus. Omnes tamen a populo creati sunt patritii. Anno vero CCCX. quum vrbs condita est, primum tribuni militum pro consulibus magistratum iniuerunt A. Sempronius Atratinus, L. Atilius, T. Caecilius.^{j)} Sunt, qui propter adiectum equorum Volseorum bello et Ardeatium defectioni Veiens bellum, quia duo consules obire tot simus bella nequirent, tribunos militum tres creatos dicant sine mentione promulgatae legis de consulibus creandis ex plebe et imperio et insignibus consularibus vfos; non tamen firma iam stetit magistratus eius vis, quia tertio mense, postquam iniuerunt augurum decreto, perinde, ac virtio creari, honore abierunt; quod C. Curiatius, qui comitiis eorum praefuerat, parum recte tabernaculum cepisset.^{m)} Octo vero tribuni militares consulari potestate creati sunt, quot numquam antea,ⁿ⁾ quo anno ge-

c) loc. excitato.

d) voc. turma equitum, p. 218.

edit. GOTHOFREDI.

e) de lingv. lat. libr. IIII. cap. 16. p. 16.

f) ad Ciceron. orat. Verrin. libr. I. cap. 10.

g) adde FESTVM p. 162. aut. lat. lingu. GOTHOFREDI.

h) teste ASCONIO PEDIANO loc. excit.

i) de eiusmodi tribunorum officiis vide LIVIVM libr. XXVIII. cap. 24. libr. XXXX. cap. 41. POLYBIVM de

milit. Rom. cap. V. et VI. et I. XII. §. 2. digest. de re milit.

k) errat auctor in designando altero consule. Nam vt ex fastis consularibus et LIVIO libr. IIII. cap. I. patet, anno V. c. CCCX. M. Genucius et C. Curtius consules fuere.

l) conf. LIVIVM libr. IIII. cap. 7. et DIONYSIVM Halicarnass. libr. VI. cap. 12.

m) verba sunt LIVII, libr. IIII. cap. 7.

n) ita LIVIVS libr. V. cap. I.

stum est bellum contra Veientes, quam illi, mutata magistratus forma, regem creauerunt, quo tempore Romani milites hibernacula primum fecerunt, et bello Veientano primum sub pellibus durare didicerunt.^{o)} Primanus tribunus erat, qui primae legioni tributum scribebat. EVTROPIVS^{p)} adserit, tribunos militares consulari potestate creari coepitos anno ab vrbe condita CCCLXV. dignitatēque tribunorum militarium non diu perseverasse, quod post aliquantum nullos placuit fieri, ac quadriennium ita in vrbe fluxisse, vt potestates ibi maiores non essent; presumserunt tamen tribuni militares consulari potestate iterum dignitatem, et triennio perseverarunt, rursus consules facti.^{q)} POMPONIVS, iure consultus, de tribunis militaribus consulari potestate: Sic deinde, quum post aliquot annos XII. tabulae latae sint, et plebs contendenter cum patribus, et vellet ex suo quoque corpore consules creare, et patres recusarent, factum est, vt tribuni militum crearentur partim ex plebe; partim ex patribus consulari potestate. Hi quoque consti- tuti sunt vario numero, interdum LXXVII. fuerunt; interdum plures; nonnumquam pauciores. VEGETIVS^{r)} maiorem tribunum militum, tradit, per epistolam sacram imperatoris iudicio destinari, minorem tribunum prouenire ex labore, et quum vnaquaque legio decem cohortes haberet, primae, quae millaria vocabatur, praearat tribunus armorum scientia, virtute corporis, morum honestate praecipius. Reliquae cohortes, prout principi placuerit, a tribunis vel a praepositis regebantur. Aelianus cohorti quingentariae, quam hominum quingenti duodecim componunt, tribunum minorem, et millariae, quam hominum mille viginti quatuor, tribunum maiorem praefecit. Sunt, qui scribant, tribunum dictum a tribubus,^{s)} eo quod praesit militibus, quos ex tribubus primus Romulus legit; vel a tribuendo iure.

CAPVT VIII

DE QVAESTORE

QVAESTORES, a quaerendo dicti, vt vult VARRO,^{t)} quod con- quirerent publicas pecunias et maleficia, quae triumuii capitales deinde conquirebant. POMPONIVS,^{u)} iure consultus, vult quaesto-

F 2

o) vid. eundem libr. excitato, cap. II.

p) libr. II. cap. 1. §. 1.

q) sunt verba EVTROPII loco

r) libr. II. cap. 7.

s) vid. DIONYSIVM Halicarnass.

t) de lingua lat. libr. IIII. cap. 14.

u) de orig. iuris libr. II. §. 22.

XXXXIV DE MAGISTRATIBVS

res dictos eo, quod, inquirendae et conseruandae pecuniae causa, creati essent. Ab his postea, qui quaestionum iudicia exercebant, quaestores dicti. Erat autem quaestura prima senatorum administratio, qui in prouincia curam gerebant pecuniae publicae, in usus diuersos erogandae. Quaestores vero, regibus etiam nunc imperantibus, constituti sunt, ut TACITVS,^{x)} testatur, quod lex curiata ostendit, a Lucio Bruto repetita. VLPIANVS ex testimonio Iunii Gratiani libro VII. de potestatibus Romulum et Numam Pompilium binos quaestores habuisse, tradit, quos ipsi non sua voce; sed populi suffragio creauerunt. Verum sicuti ambiguum est, an, Romulo et Numa regibus, quaestor fuerit; ita, a Tullio Hostilio rege quaestores fuisse, certum est. Volunt enim certissimi auctores, Tullum Hostilium primum in re publica induxisse quaestores. Hunc magistratum diligendi, potestas consulibus mansit, donec eundem honorem populus mandaret, creatique primum Valerius Potitus et Aemilius Mamercus LXIII. anno post Tarquinios exactos, ut rem militarem comitarentur. Deinde gliscentibus negotiis, duo additi, qui Romae curarent. Mox duplicatur numerus, stipendiaria iam Italia et accedentibus prouinciarum vestigibus. Post lege Sullae viginti creati supplendo senatu, cui iudicia ille tradiderat.^{y)} PLVTARCHVS^{z)} primos quaestores a Romanis^{a)} creatos, adnuente Poplicola, adserit, P. Veturius et M. Minutium constitutionemque quaestorum in pecuniis colligendis accessitam esse, ne praetor, si vir acer et strenuus esset, his occupationibus a cura rerum maiorum abduceretur; nec, si improbus, rebus omnibus pecuniisque permisiss, occasionem sibi, ad inferendam initiam, oblatam esse, existimaret. Quaestores praeterea curam tabularum publicarum habebant, quam Nero ad praefectos transtulit. Solebant quoque quaestores prouincias sortiri ex senatus consulto, quod factum est Decimo Druso et Procinnia consulibus. Sane non omnes prouincias sortiebantur; sed excepti erant candidati principis. Hi etenim solis libris principalibus, in senatu legendis, vacabant, et quaestores candidati principis vocabantur, qui epistolas eius in senatu legebant.^{b)} Quaestores indifferenter creari coepti sunt, tam patritii, quam plebeii, consulibus Cn. Cornelio Cocco et L. Furio Medulino ita, ut in quatuor creandis

^{x)} libr. XI. annal. cap. 22. Adde leg. vn. pr. digest. de off. quaest.

^{y)} verba TACITI sunt loc. exciso.

^{z)} vit. Poplicolae p. 103.

^{a)} siue a populo. Adde DIONY-

SIVM Halicarnassensem, libr. V. cap. 34.

^{b)} vid. TACITVM libr. XVI. annal. cap. 27. et SVETONIVM vit. Neron. cap. XV. et vit. Claud. cap. XXXX.

ROMANORVM VETERVM. XXXV

creandis vni patritio Caesoni Fabio Ambusto relinquenter locus, tres plebeii, Quintius filius, P. Aelius et P. Pupius clarissimarum familia rum iuuenibus praeferrentur.^{c)} Quaestores neque lictorem; neque viatorem; nec vocationem; nec prehensionem habebant.^{d)} Parricidii quaestores appellabantur, qui solebant creari, causa rerum capitalium quaerendarum. Nam vt FESTO^{e)} placet, parricida non utique is, qui parentem occidisset, dicebatur; sed qualemque hominem. Erat et quaestor frumenti, qui in summa caritate, ut vrbs annona abundaret, curare debebat, et esse negotiatoribus comis, mercatoribus iustus; municipalibus liberalis, sacris abstinentes. Et consules in bello quaestores habebant ad curam praedae et spoliorum;^{f)} urbani vero quaestores, damnatorum bona accipientes, in publicum referebant,^{g)} publica funera de publico locabant,^{h)} aerarii pecunias acceptas et expensas in tabulas referebant.ⁱ⁾ Quaestores enim aliquando tribuni et praefecti aerarii appellati sunt,^{k)} et a recentioribus, vocabulo non incongruo, referendarii.

CAPUT VIII DE AEDILIBVS

AEDILIS dictus est, quod aedes sacras et priuatas curarer. Aedibus enim publicis priuatisque, cloacis, aquarum ductibus et aliis publicis quibusunque aedificiis ac templis, rebus emundis vendundisque ac mensuris praeverat.^{l)} Aedilitum vero munus id erat cuiuscunque aedilis proprium, ut suis impensis ludos pro facultate ac dignitate curaret, ut in officiis CICERO^{m)} meminit. Erant autem aedilium duo genera et duo ordi-

F 3

nes,

^{c)} vid. LIVIVM libr. III. cap. 54.

^{d)} vid. GELLIVM libr. XIII. noct.

Attic. cap. 12.

^{e)} voc. quaestores parricidi.

^{f)} vid. DIONYSIVM Halicarnassensem libr. VII. p. 468. libr. VIII.

P. 549. libr. X. p. 648.

^{g)} teste eodem scriptore, libr. XI.

p. 726.

^{h)} apud eundem, libr. VI. p. 416.

ⁱ⁾ vid. VARRONEM de lat. ling.

libr. III. cap. 36. GELLIVM libr.

VII. cap. 10. et ex recentioribus

SIGONIVM de ant. iur. ciu. Rom. libr.

II. cap. 8.

^{k)} Alii tribunus aerarii a quaestori bus distingunt. Quaestores aerarii eosdem fuisse, qui et aliquando praefecti aerarii dicerentur, ex TACITO

libr. XIII. annal. cap. 28. colligitur. Ade

de SVETONIVM vit. Claud. cap. XXIII.

et TORRENTIVM ad hunc locum.

^{l)} vid. VARRONEM de ling. lat.

libr. III. cap. 14. MARTIALEM

libr. V. epigr. 83. PLAVTVM rudent.

act. II. scen. 3. v. 43. IVVENALEM

sat. X. v. 101.

^{m)} libr. II. de offic. cap. 16 adde

LIVIVM libr. XXIII. cap. 43. libr.

XXVII. cap. 6. libr. XXVIII. cap. 10.

XXXVI DE MAGISTRATIBVS

nes, unus, in quo ipsi aediles in iure dicundo sellis, curuos pedes habentibus, utabantur.ⁿ⁾ Et hinc nomen magistratus retinebat, dicebatur enim *aeditis curulis*, licet alii a sella, qua in curru vehebantur, *aediles curules* dictos velint. Alterum aedilem popularem magistratum appellabant. Primi autem aediles, dictatore populum rogante, Cn. Quintius Capitolinus et P. Cornelius Scipio ex patribus creati sunt.^{o)} Convenit autem primo, ut alternis annis ex plebe fierent;^{p)} postea magistratus promiscuus fuit; addidit deinde duos aediles C. Caesar,^{q)} qui annonae praeescent, et cereales nuncupati sunt.

CAPVT X DE PROCONSULE

PROCONSULES, qui ideo dicti sunt, quod pro consulibus mitterentur, eorumque vice in provinciis fungerentur, cum consulari potestate extra ordinem in provincias, belli gerendi causa, mittebantur, et eamdem prope modum potestatem habebant, quam consules, nisi quod sex tantum lictores secum ducabant,^{r)} illos duodecim praecedebant. Si qua vero causa proconsul occupatus ad provinciam, sibi traditam, accedere; aut ibi adesse, nequisset, legatum subrogabat,^{s)} qui prope modum parem proconsuli potestatem gerebat; res tamen grauiores administrare, nequibat, quae proconsuli, procuranda, deferebantur. Proconsularis vero dignitas fuit primum eo tempore instituta, quo Posthumius Albus et Sp. Furius Fusus consulatum gerebant,^{t)} quorum alter, aduersus equos bellum gerens, obfessus est; alter in urbe remanserat, qui ut collegae auxilium ferret, T. Quinctium proconsulem creauit.

n) vid. IUST. LIPSIUM de magistrat. Rom. cap. XII.

o) conf. LIVIVM libr. VII. cap. I.

p) ut habet DIONYSIUS Hali-

carnassensis, libr. VI. p. 411.

q) an. v. C. 1500 X. vid. DIO-

NEM CASSIVM libr. XXXXIII. ad fin.

r) propraetorem sequebantur sex

lictores; proconsulem autem duode-

cim, vid. SIGONIVM de ant. iur. ci-

zium Rom. libr. II. cap. I.

s) vid. eundem loc. excit. cap. 2.

t) an. v. C. CCLXXX. vid. LI-

VIVM libr. III. cap. 4. Alii ann.

CCLXXV definitiunt, ad Liinium libr. II.

cap. 48. prouocantes quo prima pro-

consulatus essent vestigia. Sunt quo-

que, qui ex Q. Publilio Philone pri-

mum proconsulem faciunt, quod ei

vitra annum tempus imperium sum-

num militare fuerit prorogatum,

teste LIVIO libr. VIII. cap. 26. Tol-

li facile potest diffensus, prout pro-

consulis accipitur vocabulum, vtrum

de iis, qui belli gerendi causa vice

consulis fungerentur, an de iis, qui

in provincias, ut eas administrarent,

mitterentur, quorum originem multi

a lege C. Sempronii Gracchi, anno

DCXXXI. lata, repetunt.

ROMANORVM VETERVM XXXVII

uit. Ante hunc de proconsulatu mentionem nullam fieri, inuenio. Haec deinde dignitas ita diffusa est, et obseruari coepit, vt, qui consules fuissent, exacto eorum officio, sequenti anno proconsules remanebant, et ad diuersas prouincias, belli gerendi causa, mitterentur. Habebat autem proconsul, quum primum urbem egressus esset, vbiique consularia insignia; potestatem vero non exercebat, nisi in ea prouincia sola, quae ei decreta erat. Caeterum iurisdictionem statim, quam urbem egressus erat, habebat; verum non in inuitum; sed voluntarium.^{u)} Poterant enim apud eum manumitti tam serui; quam liberi, et adoptiones fieri.^{x)} Ingressus prouinciam mandare iurisdictionem legato suo debebat; prius vero non poterat. Si vero necessarium in itinere pateretur moram, mandare iurisdictionem legato, in prouinciam maturissime peruenturo, poterat. Antequam de prouincia recederet, munera, praeterquam si quando obsonia oblata fuissent, proconsules accipere non debebant, in illisque seruandus erat modus. Nam, vt omnia renuere inhumanum erat; sic passim vilissimi et auarissimi proconsulis erat, accipere. Nec quidquam proconsulem emere decebat; nec fas erat, praeterquam ad viatum quotidianum necessaria.

CAPVT XI DE LEGATIS

LEGATORVM duo erant genera, viuum eorum, qui a senatu populoque Romano imperatoribus exercituum dabantur non adiumentum solum;^{y)} sed vt imperatoriam maiestatem in exercitu, imperatoris absentia, retinerent. His custodiae atque rerum gestarum cognitionem imperatores committere solebant. Propria tamen iurisdictione vi non poterant; sed dumtaxat, quae ab imperatoribus mandata fuissent, exercebantur.^{z)} Si vero accidisset, quod imperatores in prouincia morentur; mandata tamen sibi negotia legati exigere debebant. APPIANVS tradit, legatos adpellatos, qui gentibus praeerant et a senatu ad subsidia mittebantur. Alterum legatorum genus erat, quos etiam oratores ad-

pellamus

u) ob prouocationem nimirum, videatur loc. de ant. iur. prouinciarum,

cuius exemplum luculentum habemus in Paullo, act. XXV. 10. 11.

y) vid. LIVIVM libr. XXIII. cap.

Adde PICINELLVM luminib. reflex.

18. CICERONEM in Vatinium, cap.

XV. et VARONEM de lingua lat.

libr. III. cap. 16.

x) de potestate et imperio pro-

consulis praeter alios SIGONIVS

libr. III. cap. 51.

XXXVIII DE MAGISTRATIBVS

pellamus ab orando, id est agendo, quod rei publicae mandata peragerent. Legatos, quod legarentur, adpellatos esse, scribit VARRO.^{a)} Erant autem legati omnium sanctissimi et honoratissimi apud Romanos, potestatemque et vim imperantis habebant, et inviolabiles^{b)} venerandique erant, ut sacerdotes.

CAPVT XII

DE CENSORIBVS

CENSOR dictus est, quod ad eius censionem, id est, arbitrium censeretur populus, ut ait VARRO. Bini censores creari coeperunt, Marco Geganio Maccerino iterum, Tito Quintio Capitolino quintum consulibus.^{c)} Primi vero censores fuerunt Papirius et Sempronius. Ortum autem initium rei est, quod in populo, per multos annos incenso, neque differri census poterat; neque consulibus, quum multa bella imminerent, opera erat, id negotium agere. Mentio illata a senatu est, rem operosam ac minime consularē suo proprio magistratu egere, cui scribarum ministerium custodiaeque et tabularum cura, cui arbitrium et formulae censendi subiicerentur. Patres quamvis rem paruam, tamen, quo plures patritii magistratus in re publica essent, laeti acceperunt. Verum censura a parua origine orta, deinde tanto incremento auēta est, ut morum disciplinaeque Romanae penes eam regimen esset, et senatus equitumque centuriis decoris dedecorisque discrimen sub ditione eius magistratus ac publicorum ius, priuatorumque locorum vestigalia, insuper populi Romani sub nutu atque arbitrio essent. Sed quum censura in quinquennium produceretur, a Mamerco dictatore in annum et semestrem est contrafacta.^{d)} Nec in locum demortui censoris poterat censor suffici, quae res religioni fuit, postquam eo lustro, quo Marcus Cornelius in Gaii Iulii censoris mortui suffectus est, Roma capta est.^{e)} Praeerant autem censores censi et moribus regendis castigandisque^{f)} lustrisque condendis, a quibus quinto quoque anno tota ciuitas cum suppliciis publicis lustrabatur, praecedebatque censoris scriba et seculare carmen decantabat, ut dii rem publicam in annos redderent meliorem.^{g)}

Quot-

a) de ling. lat. libr. cap.

b) vid. CICERONEM orat. Verrin.

I. cap. 33.

c) vid. LIVIVM libr. IIII. cap. 8. quem auctor noster in describendis censoribus ad verbum fere sequitur.

d) Conf. LIVIVM libr. IIII.

cap. 24.

e) vid. eundem libr. V. cap. 3I.

f) lege CICERONEM de legibus libr. III. cap. 3.

g) apud LIVIVM libr. X. cap. 9.

ROMANORVM VETERVM. XXXVIII

Quotque Romani ciues in illo lustro fuissent, censebantur, quod primo Seruus Tullius instituit, quum omnem exercitum perfecto censu sue, boue, tauris tribus lustravit, quo quidem lustro MLXXX. ciuium censa dicuntur, qui arma ferre possent.^{h)} Censorem alterum ex plebe creari, legem tolit P. Philo dictator, quum eo ventum esset, ut vtrumque plebeium fieri liceret. Censor vero ex plebe primus fuit I. C. Marcius Rutilius.ⁱ⁾ Oportebat autem censores in Saturni templo ius iurandum subire. Censores, magistratum ineuntes, nihil prius agebant, quam ut anserum alimenta locarent^{k)} et imaginis splendorem, an quod a vi- lioribus incipiebant, quae nec multo sumtu; nec magna opera egent; an ut veterem quamdam huic animanti gratiam referrent, a bello usque Gallico repetitam, quod dormientibus canibus, primi omnium anseres Gallorum in capitolium adscensum persenserunt et clangore vigiles excitarunt; an, quum essent maximarum rerum, et quae summa cura indigent, custodes censores, ut aedium sacrarum ac publicarum, morum denique et vitii et vitae viuis eiusque, diligentissimi, omnium animalium rationem habendam sibi esse, putauerunt. Simil enim, anseribus curandis, cities admonebant, ne deorum cultum negligenter. Anseris vero abstergi splendor necessarius erat. Cito enim rubrica defluit ac deflorescit, ea enim veteres statuas obducere et illinire consueuerunt. Erat censoribus facultas, notandi unumquemque ordinem, ut, qui senator esset, senatu eiiceretur,^{l)} qui eques Romanus, equum publicum perderet,^{m)} qui plebeius, in Quiritum tabulas referretur et aerarius fieret.ⁿ⁾ De praefectis insuper eminentissimis iudicabant, excepto praefecto urbis Romae. Ut TREBELLIVS POLLIO adfimat, non iudicabant etiam censores de consulibus ordinariis; neque de rege sacrorum; aut de maxima virginum Vestalium, si minus incorrupta permanisset. Erat autem censura magistratus amplissimus et quodammodo perfectissimum rei publicae culmen et maxime omnium reuerentiae plurimaque potestatis, quum in aliis rebus; tum ad morum emendationem.

CAPVT

h) vid. DIONYSIVM Halicarnassensem libr. IIII. p. 22I. et LIVIVM libr. III. cap. 42. collato cap. 44.

i) an v. C. CCCII.

k) vid. CICERONEM pro sexto Rosc. Amerin. cap. XX. et PLINIVM hist. natural. libr. X. cap. 22.

l) vid. LIVIVM libr. XXXIII. cap. 44.

m) conf. OVIDIVM libr. II. tript. v. 89.

n) apud GELLIVM libr. IIII. noct. Attic. cap. 20. Adde HORATIVM libr. I. epift. 6. v. 62.

G

TRIBVN NI celerum CCC. milites ad continuum regis reique publi-
cae praesidium sub se habebant, ^{o)} quos primus omnium Romu-
lus ex quaque curia, quas ipse triginta constituerat, decem adscivit, et
his tres viros praefecit, eosque, quoniam a tribubus elegerat, tribunos
vouluit adpellari. Celeres vero a celeritate plerique dictos volunt. Sunt,
qui a Celere, qui Remum occiderat, atque iis ordinibus a Romulo praefectus fuerat, adpellatos, putent.

DECEMVIRI, mutata ciuitatis forma, a consulibus, vt prius con-
sules a regibus rei publicae habenas suscepserunt. Post redditum le-
gatorum cum Atticis legibus anno CCC. et altero a condita vrbe, de-
cemviri fuerunt App. Claudio, T. Genutius, P. Sestius, L. Vetu-
rius, ^{p)} C. Julius, Au. Manlius, Ser. Sulpitius, P. Curatius, ^{q)} T. Ro-
milius, Sp. Posthumus, P. Curiatio et Sex. Quintilio consulibus.
Creati sunt autem decemviri sine prouocatione, et decimo die ius po-
pulo singuli reddebant. Eo die penes praefectum iuris XII. fasces erant.
Collegis noueni singuli accensi adparebant. ^{r)} Sunt autem creati decem-
viri, sublati tribunis et oranib; aliis magistratibus, ad condendas le-
ges, qui, postquam leges conscriperunt decem tabulis, eas proposue-
runt volentibus inspicere senatumque conuocarunt. Quumque nemo
amplius leges reprehenderet, praeconsultum de eis sanxerunt, deinde
populum conuocantes ad centuriatam concessionem, pontificibus et augu-
ribus aliisque sacerdotibus praesentibus, leges et a populo sunt confir-
matae; et in aes incisae in foro positae, deinde quam reliquum impe-
rii sui breue tempus esset, decemviri senatum conuocauerunt, et, vt
de comitiis consideraret, proposuerunt; diuisi vero variis sententiis,
vicit sententia suadentium, iterum creandos esse decemviros, qui dece-
tabulis duas adiecerunt. Postea, quum se in tyrannos vertissent, ma-
gistratum

^{o)} videatur DIONYSIVS Halicar-
nassensis, libr. II. cap. 2

^{q)} Loco Curatii P. Horatium no-
minat DIONYSIVS Halicarnassensis.

^{p)} DIONYSIVS Halicarnassensis,
libr. X. p. 680. pro L. Veturio ponit

^{r)} conf. LIVIVS libr. III. cap.

P. Posthumium. Nam in nominibus
non omnino cum LIVIO conuenit.

33. et DIONYSIVS Halicarnas-
sensis, loc. excitato.

gistratum deponere, compulsi sunt. Creati sunt autem decemviri, Ap-
pius iterum et cum eo Q. Fabius, Vibula dictus, qui ter consul fuerat,
Marcus Cornelius Maluginensis, Marcus Sergius, Lucius Minutius,
Titus Antonius Merenda, Manlius Rabuleius, viri non multum illustres;
ex plebeis autem Quintus Poelius, Caeso Duilius et Sp. Oppius; ^{LI-}
^{vivs}^{s)} autem de nominibus in secunda creatione decemviorum cum
DIONYSIO ^{t)} non conuenit. Ait enim hic, quod creati sint cum
Appio Claudio M. Cornelius, M. Seruilius, L. Minucius, T. Anto-
nius, Manlius Rabuleius, Q. Petilius, Caeso Duellius et Sp. Oppius.
Et praeter morem subito omnes cum duodenis fascibus prodierunt, cen-
tum viginti lictores forum implerant, et cum fascibus secures adligatae
praeferebantur. Ita decemviri, in tyrannidem versi, omnia pro eorum
libidine patabant, ^{u)} tribunitiamque potestatem et prouocationem, ple-
bi Romanae duas arcas libertatis, penitus ademerunt. Praecedentes
vero lictores, XII. numero, turbam verberibus abigebant a compitis.
Verum duo nefanda facinora domi militiaeque decemviro, se abdicare
magistratu, compulerunt. Alterum fuit, ^{x)} quod Siccius in Sabinis
per inuidiam decemvirealem tribunorum creandorum, secessionisque
mentionem ad vulgus militum sermonibus occultis serentem, pro spe-
culatum, ad locum castris capiendum, miserunt. Datumque est nego-
tium militibus, quos miserant expeditionis eius comites, vt eum, op-
portuno adorti loco, interficerent, id quod factum est, licet acriter se
tuendo, multis interfectis, haud impune occisus fuerit. Hinc pessima
decemviorum in vulgus fama prodiit. Alterum infandum facinus fuit
amor Appii Claudi, ^{v)} qui quum Virginii filiam perditissime amaret;
nec precibus; nec pretio fleteret, Marco Claudio clienti negotium de-
dit, vt eam in seruitutem adsereret. Quod quum ille confiscere, insta-
ret, Icilius, maritus virginis, acriter repugnauit, donec pater ex Algi-
do accitus, ubi Claudi libidini filiam subtrahere non posse, cognovit,
quaeso, Appi, inquit, ^{w)} primum ignosce patrio dolori, si quid ince-
mentius in te sum inuestus, debinc suis hic coram virgine nutricem per-
contari, quid hoc rei sit, vt, si falso pater dictus sum, acquire hinc
animo discedam. Data venia, seducit filiam ac nutricem prope Cloaci-
nae ad tabernas, quibus Liuui temporibus Novis erat nomen, atque,

G 2

ibi,

^{s)} libr. III. cap. 35.

^{x)} conf. LIVIVM libr. III. cap.

^{t)} libr. X. p. 682.

43.

^{u)} vid. DIONYSIVM Halicar-

44.

nassensem, et LIVIVM locis excitatis.

^{w)} leg. eundem, libr. III. cap. 44.

^{z)} ibid. cap. XXXXVIII.

ibí ab Ianio cultro arrepto, *hoc te uno modo, quo possum, filia*, ait, *in libertatem vindico*, peccus deinde puellae transfigit. His igitur duobus facitoribus tantam inuidiam decemuiri apud patres populumque contraxere, vt, abdicare se magistratu, coacti fuerint. Appius Claudius et Sp. Oppius in carcere extincti sunt, reliqui octo prius, quam eis dies diceretur, se exfilio ipsi mulctarunt, bonaque eorum omnium, tam mortuorum, quam exsulium, accipientes quaestores urbani in publicum retulerunt. Creati deinde consules ab interrege, L. Valerius et Marcus Horatius legem tulerunt, ne quis ullum magistratum sine provocatione crearet.^{a)}

CAPVT XV

DE PRAEFECTIS TRIBVS CONSVLARI
POTESTATE^{b)}

PRAEFECTI ex patritiis, quamvis totidem ex suo corpore plebs creare senatus decreto posset, facti sunt consulari potestare. Aulus Sempronius Atratinus, L. Atilius, et Tirus Caecilius anno tertio octogesimae quartae olympiadis, quo tempore tribuni maxime instabant, vt alter consulum ex plebe crearetur.^{c)}

CAPVT XVI

DE CENTVM VIRIS

CENTVM VIRI creati sunt ad causas iudicandas et primum terni ex singulis tribubus iudices electi sunt. Quum decuriae iudicum tres tantum essent; ita fuerunt numero centum quinque. Tamen usus obtinuit, vt centumuiri vocarentur. Immo VARRO^{d)} in *re rustica* ait: *centumuiralis iudicis numerus non fuit ad amusim, vt quum dicimus, mille naues ad Troiam esse.* Postea, quarta decuria ab Augusto addita, et quinta a Caligula, crevit iudicum numerus ad centum septuaginta quinque,^{e)} qua deinde sublata, restitus numerus intra centum quadragesinta,

a) Adeas LIVIVM libr. III. cap.

55.

b) siue potius: *tribunis militum consulari potestate.* Conf. LIVIVM libr. III. cap. 6. et DIONYSIVM Halicarnassensem, libr. XI. cap. 60. p. 736.

c) apud DIONYSIVM Halicarnassensem, loc. excit. vocatur Titus Cloelius siculus.

d) libr. II. cap. I. p. 102.

e) vid. PLINIVM libr. VI. epif. 33. ex quo iudicum horum numerum ad centum et octoginta creuisse, patet.

ginta, seruata semper priore adpellatione centum virorum, quamvis legatur apud CICERONEM,^{f)} centum viginti quinque iudices equitatis ordinis redisse. Sed locum mendosum esse, credo.

CAPVT XVII

DE PRAEFECTO VRBIS

PRAEFECTI urbis erat, omnia crimina, quae intra urbem, censimunque intra milliarium ab urbe commissa essent, cognoscere.^{g)} Diuus Seuerus ad praefecti quoque officium pertinere voluit, mancipia tueri, ne prostituerentur. Insuper verecundas et iustas seruorum in dominos querelas audire, ad praefectum urbis pertinebat, atque ut nummularii probe negotium suum agerent, temperarentque ab his, quae prohibita erant. Carnem quoque iusto pretio venumdari, ad praefecti curam pertinebat. Itaque forum suarium sub eius cura erat. Sed et caeterorum armentorum fora, quae ad huius modi praebitionem spectant, ad officium praefecti pertinebant. Quies quoque popularium et disciplina spectaculorum ad praefectum urbis spectabat, qui milites quoque stationarios dispositos habere debebat, ad tuendum popularium quietem, et ad referendum sibi, quod ubique agebatur. Et urbe interdicere praefectus urbis; et aliis solitis regionibus poterat; et negotiatione; et professione et aduocationibus; et foro; et ad tempus; et in perpetuum interdicere poterat, et spectaculis, et, si quem relegasset ab Italia, submovere eum et a provincia sua poterat.^{h)} Diuus Seuerus rescripsit, etiam eos, qui, illicitum collegium collegisse, dicti fuissent, apud praefectum urbis aduscandos esse. Qui quum terminos urbis exiuisset, potestatem non habebat. Praefectura autem urbana cunctis, quae intra urbem erant, antecellebat dignitatibus et potestatibus. Sed praefectorum forma varie habita atque saepe mutata est. Nam Augustus permisit senatu praefectos deligere.ⁱ⁾ Deinde ambitu suffragiorum suspecto forte ducebantur ex numero praetorum, qui praeessent; nec id diu permanit, quia fors deerrabat ad parum idoneos. Tunc Claudius quaestores rursum imposuit, hisque, ne metu offensionum

G 3

segnius

f) orat. pro Planc. cap. XVII. h) adde GVID. PANCIROLLVM vid. in primis MANVTIVM ad hunc loc. excit.

g) conf. GVIDONEM PANCIROLLVM notit. dignitat. imperii oc- i) conf. DIO Cassius libr. LII. p. 478. et TACITVS libr. VI. annal. cid. cap. III.

segnius consulerent, extra ordinem honores permisit. Sed debeat robur aetatis cum priuum magistratum capessentibus. Igitur Nero praetura persimiles et experientia probatos delegit. Praefecti vrbis maximam auctoritatem fuisse, ostenditur in vita Seueri imperatoris, vbi legi licet, censorem, qui ius, iudicandi de praefectis eminentissimis habuit, nullam in praefectum vrbis potestatem habuisse. Initium epistolae Diui Seueri, missae ad Fabium Chilonem, ita est: *quum urbem nostram fidei tuae commiserimus, quidquid intra urbem admittitur, ad praefectum vrbis pertinere videtur; sed et si quid intra centesimum milliarium admissum sit, ad praefectum vrbis pertinet; si ultra ipsum lapidem egressus est, praefecti vrbis cognitio non est.* Marcus Varro et Atteius Capito, ut GELLIVS^{k)} refert, scribunt, ius fuisse praefecto, senatus habendi.

CAPVT XVIII

DE PRAEFECTO PRAETORIO

PRAEFECTVS praetorio ad vicem magistri equitum antiquitus institutus est, ut quidam volunt. Quum enim apud veteres dictatoribus ad tempus summa potestas crederetur, et equitum magistros sibi deligerent, qui associati principali curae militiae gratia secundam post eos potestate gererent, reipublicae regiminibus ad imperatorem perpetuo translatis, ad similitudinem magistrorum equitum, praefecti praetorio a principibus electi sunt. Data est eis plenior facultas, ad disciplinas publicae emendationem. His cunabulis praefectorum auctoritas inita in tantum meruit augeri, ut adpellari a praefecto praetorio non posset, sublata prouocandi facultate. Credidit enim princeps, eos, qui ob singularem industriam, explorata eorum fide et grauitate, ad huius officii magnitudinem exhibiti fuissent non aliter iudicaturos esse pro sapientia; ac luce suae dignitatis; quam ipse esset iudicaturus.¹⁾ Erant etiam praefecti praetorio subnixi alio priuilegio, ne a sententia eorum minores aetate ab aliis magistratibus, nisi ab ipsis praefectis praetorio restitui possent. Praefectus autem praetorio, Roma regibus parente, *celerum tribunus* adpellabatur; sub dictatoribus vero *magister equitum*. Praefecti praetorio priuum tres, Commodo Antonino imperante, fuerunt.

CAPVT

^{k)} *Iibr. XIII. noct. Attic. cap. 8. 229.* et adde *digest. de orig. iur. I. II.*
¹⁾ vid. ANDR. DOM. FLOCCVM §. deinde cet. de potestat. Rom. *Iibr. II. cap. 23. p.*

CAPVT XVIII

DE PRAEFECTO VIGILVM

PRAEFECTVS vigilum ab Augusto initium habuit, qui septem^{cō} hortes opportunis locis constituit, ut binas regiones vrbis unaquaque cohors tueretur. Praeposuitque illis cohortibus tribunos, et super omnia spectabilem virum, qui *praefectus vigilum* dictus est a nocturnis vigiliis. Hic de incendiariis cognoscebat, effractoribus, furibus, raptoribus et receptatoribus; maxime vero atrox poena famosaque persona praefecto vrbis remittebatur. Debeat vero praefectus vigilum totam noctem vigilare et coerrare calceatus et cum armis, et dolaribus, omnesque inquilinos admonere, ne per negligentiam aliquam incendiis casus oriaretur, praeterea, ut unusquisque inquilinus copiam aquae in coenaculo suo haberet, admonere, iubebatur.^{m)} Caeterum praefectus vigilum aduersus capsarios cognoscebat, qui mercede seruanda in balneis vestimenta suscipiebant, si quid in illis seruandis fraudulenter admisissent. Ad praefectos etiam vigilum pertinebat, fugitivos conquirere, eosque dominis reddere.

CAPVT XX

DE PRAEFECTO AEGYPTI

PRAEFECTVS Aegypti non prius deponiebat praefecturam et imprium, ad similitudinem proconsulis lege sub Augusto ei datum, quam Alexandriam ingressus esset successor eius, sicut in provinciam venisset. Verum fasces consulares ingredi Alexandriam, nefas habebatur. Feruntur etiam apud Memphim in aurea columna Aegyptiis fuisse litteris scriptum, tunc demum Aegyptum liberam fore, quum in eam venissent Romani fasces et praetexta Romanorum, ut legi licet in Aemiliano, uno ex XXX tyrannis.

CAPVT XXI

DE PRAEFECTO ANNONAE

PRAEFECTI annonae cura erat, in difficulti annonae caritate frumentum vndeque coemere et, ut vndeque Romanum adueheretur, operam nauare, praeterea, ut iusto pretio veniret et, si quis plus, quam proprius

^{m)} vid. eundem *libr. excit. p. lis*, quae in *digestis de officio praefecti* 132, qui, ut noster auctor sua, ex eti vigilum habentur, hausit.

proprius usus exigeret, haberet, in medium depromeret. Coepti sunt autem praefecti annonae, creari T. Geganius, P. Minutius consulibus, primumque annonae praefectum fuisse tradunt L. Minutius, licet quidam, P. Valerius et L. Geganius primos in Siciliam missos, pro aduehendo frumento, velint.ⁿ⁾

CAPVT XXII

DE PRAEFECTO LEGIONIS^{o)}

PRAEFECTVS legionis habebat continue primi ordinis dignitatem, atque absente legato tamquam ipsius vicarius potestatem maximam retinebat, tribunique et centuriones caeteraque milites eius praecepta seruabant, vigiliarum; seu profectio[n]is tesseram ab eo petebant, praefectusque legionis auctoritate, si miles crimen aliquod admisisset, a tribuno ad poenam deputabatur. Arma omnium militum, vestes, equi, annona in praefecti legionis cura erant: disciplinae ius et severitas exercitus, non solum peditum; sed etiam equitum legionariorum praecerto eius quotidie curabatur. Ipse autem custos diligens et sobrius legiōnem, sibi creditam, adsiduis operibus ad omnem devotionem deformatbat et industria, sciens, ad praefecti laudem subiectorum redundare virtutem.

CAPVT XXIII

DE PRAEFECTO CASTRORVM.

PRAEFECTVS castrorum post longam probatamque militiam peritis simus omnium legebatur, ut recte doceret alios, quod ipse cum laude fecisset. Hic, praefecto legionis, dignitate inferior erat; non mediocria tamen munera subibat, nam in huius officio castrorum positio, vallique et fossae destinatio erat. Caeterum tabernacula; vel casae militum cum impedimentis omnibus nutu ipsius curabantur. Praeterea agri contubernales et medici, a quibus curabantur; expensae etiam ad eius

n) vid. quae de Pompeio, anno
nae praefecti prouinciam admini-
strante, CICERO pro domo, cap. V.
et libr. IIII. epist. I. ad Atticum de-
que Augusti instituto SVETONIVS
vit. eius, cap. XXXVII. et DIO Cassius
ibr. LIII. p. 521. memoriae prodi-

derunt. Add LIVIVM libr. IIII. cap.
12.

o) de tribunis militum loquitur
auctor noster, ut omnes rationes
docent, vid. IVST. LIPSIVM libr.
V. de milit. romana, dialog. IO. tom.
III. oper. p. 314.

cius industria pertinebant, vehicula, sagittarii, nec non etiam ferramenta, quibus materies secatur; vel caeditur, quibusque fossae apertuntur circa situm valli et aquae duetus; item ligna; vel stamina, arietes, onagri, ballistae caeteraque genera tormentorum, ne decessent aliquando, praefectus castrorum procurabat.^{p)}

CAPVT XXIIII

DE PRAEFECTO FABRORVM

PRAEFECTVS fabrorum fabris lignariis, instructoribus, carpentariis, ferrariis, praetoriis reliquisque artificibus, ad hibernorum aedificia fabricanda, ad machinas turresque ligneas caeteraque, quibus vel expugnantur hostium ciuitates; vel defenduntur propriae, praeparatis praecerat. Etiam, qui arma, vehicula caeteraque genera tormentorum vel noua facerent; vel quassata repararent, praefecto fabrorum subiacebant. Praeterea fabricae scutariae, loricariae, arcuariae, in quibus sagittae, missilia, cassides omniaque armorum genera formabantur, a praefecto fabrorum procurabantur, cuius cura praecipua erat, vt, quidquid exercitui necessarium videbatur, numquam decesset in castris, ita vt etiam cuniculares haberentur, qui ad morem Bessorum dueto sub terris cuniculo, murisque intra fundamenta perfoxis, improuisi emergerent, ad urbes hostium capiendas.^{q)}

CAPVT XXV

DE TRIVMVIRIS NOCTVRNIS

TRIVMVIRI arcendis incendiis praecerant, antequam praefectus vigilum esset factus, qui et nocturni dicti sunt ab eo, quod excubias agebant. Interueniebant nonnumquam aediles et tribuni plebis.

CAPVT XXVI

DE DVVMVIRIS CAPITALIBVS

DVVMVIRI capitales a Tullo Hostilio rege constituti sunt, quum de capite Horatii ageretur, qui viator rediens, interfectis tribus Curiatiis Albanis, sororem Horatiam, ad portam obuiam, aegriter flentem,

p) vid. VEGETIVM libr. II. cap.
20. TACITVM libr. I. annalium. cap.
20. libr. XIII. cap. 37. et libr. II. hi-
stor. cap. 29

q) vid. VEGETIVM libr. II. cap.
II. et CICERONEM libr. III. epist.
8. ad famili.

LVIII DE MAGISTRATIBVS

tem, quod interfectorum Curiatorum vni nupta esset, occidit.¹⁾ Creati igitur duumiri a Tullo Hostilio, ut Horatii causam cognoscerent, illum capite plectendum censuerunt. Sed ille prouocans ad populum, patris lacrimis est condonatus. Hi vero, quod de capitalibus quaestoribus iudicarent, carcerque rerum capitalium in eorum cura esset, *duumiri capitales* dicti sunt. Sed apud Romanos nullum capitale iudicium, quam illud Horatii, prius; nec prouocatio vetustior legitur.²⁾ Alii vero duumiri creati sunt ad aedes sacras locandas et faciendas, ad aquas in urbem deducendas, ad classem ordinandam et reficiendam. Id dicebantur *duumiri nauales*.³⁾ Creati et alii duumiri, qui praefessent sacris faciendis,⁴⁾ ii carminum Sibyllinorum et fatorum populi Romanini interpretes et antistites erant Apollinis sacri et aliarum caerimoniarum. Quibus additi octo et facti *decemviri*.⁵⁾ Deinde, quamvis quinque adderentur, ut quindecim essent;⁶⁾ tamen remansit nomen decemvirorum. Fuit duumiratus aliquando magistratus municipalis. Is locabat publica, potestateque habebat, dimittendi e carcere. Erat enim municipiorum defensor et eius fere dignitatis, qualis in urbe censura. Creabantur autem hi duumiri a decurioribus. Graeci *Syndicos* appellant, ut iurisconsultus prodit.⁷⁾ De his lege **PAVLVM titulo de actionibus**, et **VLPIANVM de damno infecto**.

CAPVT XXVII

DE TRIVMVRIS COLONIAE DEDVCENDAE

TRIVMVRIS deducenda coloniae agros nouis colonis deductis diuinebant urbesque designabant ac aedificare volentibus areas partabantur, commodis regionibus ciuitatem distinguebant, legibus et magistrati-

1) vid. FLORVM libr. I. cap. 3. et LIVIVM libr. I. cap. 26.

2) conf. SIGONIVS de indic. libr. III. cap. 4. et 15. et HOTOMANVS de magistrat. tom. II. thes. ant.

Rom. GRAEVII, p. 1879.

3) lege LIVIVM libr. VIII. cap. 30. libr. XXXX. cap. 18. libr. XXXXI. cap. 1.

4) temporibus nimirum Tarquinii, teste DIONYSIO Halicarnassensi, libr. III. p. 259.

x) apud LIVIVM libr. VII. cap. 27. libr. XXII. cap. 9. libr. XXXVI. cap. 37.

y) factum id sub caesaribus. Vide SVETONIVM vit. Aug. cap. XXXI.

5) lege LIVIVM libr. VI. annal. cap. 12.

6) conf. CAIVS digest. I. I. quod cuiusque vniuers. nom. et PAVLVS I. item eorum §. I. digest. d. t.

ROMANORVM VETERVM. LVIII

gistratibus fistebant. Primi vero traduntur Agrippa Menenius, T. Cloe- lius Sicus, Marcus Aebucius Elua.⁸⁾

CAPVT XXVIII

DE PRAEFECTO AERARII

PRAEFECTVS aerarii publicas pecunias curabat, proscriptorum damnatorumque bona in aerarium redigebat, praeterea omnia vectigalia ad rem publicam spectantia. Est autem praefectus generale vocabulum. Nam et legionum, alarum, cohortum, urbis, aerarii, castorum, praetorii, ammonae, vigilum.

CAPVT XXVIII

DE QVINQUEVIRIS MENSARIIS

VIRI quinque mensarii a pecuniae dispensatione adpellati sunt. Nam quum plebs grauem aeris alieni magnitudinem sustinere non posset, senatus solutionem in publicam curam vertit. Quinque igitur viri creati sunt ad dispensandam pecuniam, C. Duilius, P. Decius Mus, Marcus Papinius, Q. Publilius, T. Aemilius.⁹⁾ Hi, aere in foro posito, aes alienum persoluerunt, iubente senatu. Erant et quinque viri extraordinarii magistratus, qui primo creati sunt imperio consulari de legibus scribendis,¹⁰⁾ deinde agris diuidendis,¹¹⁾ quibus aliquando triumviri praeponebantur, tertio de muris turribusque conficiendis,¹²⁾ nonnumquam minuendis sumtibus, quum imperatoris liberalitate grauari videretur res publica.

H 2

CAPVT

a) vid. LIVIVM libr. III. cap. II. libr. VI. cap. 21. libr. VIII. cap. 16. libr. VIII. cap. 28. libr. XXXI. cap. 49. libr. XXXII. cap. 29. et DIONYSIVM Halicarnassensi. libr. VII. p. 428. et libr. VIII. p. 615.

b) lege LIVIVM libr. VII. cap. 21.

c) loquitur auctor noster de de-

cemuiris legibus ferendis, ao. v. C. CCCII. creatis. Conf. LIVIVM libr. III. cap. 25. 33. sq. 44. sq. cap. 52. 57. 1q.

d) quorum itidem nonnumquam decem fuerunt. Vid. LIVIVM libr. XXXI. cap. 4.

e) teste LIVIO libr. XXV. cap. 7.

LX DE MAGISTRATIBVS ROMANOR VETERVM.

CAPVT XXX
DE PROCVRATORE CAESARIS

PROCVRATOR Caesaris eam habebat auctoritatem, vt, quidquid gessisset, sic imperator comprobaret, ac si ipse gessisset. Dominum tamen rei Caesaris ius ei transferre non erat, sine imperatoris consensu, prius adhibito, quo sine si quid vendidisset; seu donauisset et transfulisset, ratum non erat. Nam vt non alienaret; sed vt diligenter gereret, res Caesaris ei commissa erat. LAMPRIDIVS in Seuero^{f)} procuratores interpretatur *rationales*, in quorum similitudinem, qui rem priuatam curant, procuratores COLVSELLA^{g)} nominauit. Erat autem procuratoris officium, rationes omnium reddituum, qui ad Caesarem spectarent, procurare diligenter cum facultate defendendi et adquirendi.^{h)}

f) cap. XXXVI. p. 999.

g) de re rust. libr. I. cap. 6.

h) vid. DIONEM Cassum, libr. LIII.

F I N I S



